



歷代名賢列女氏姓譜卷之八十五

湘鄉

蕭智漢雲澤氏纂輯

男秉信明甫氏校

下平聲

七陽

王氏

明

王思字宜學太保直曾孫也正德六年進士改庶吉士授編修九年春乾清宮災思應詔上疏曰陛下抑私恩端政本用舍不以讒移刑賞不以私拒則體統正而朝廷尊矣祖宗故事正朝之外日奏事左順門又不時召對便殿今每月御朝不過三五日每朝進奏不踰一二事其養德之功求治之實宰輔不得而知也伏願陛下悉遵舊典凡遇宴間少賜召問勿以遇災而懼災過而弛然後可以享天

氏姓譜

卷八十五

七陽

王氏

心保天命其年九月帝狎虎而傷閏月不視朝思復上封事疏入留中數日忽傳旨降遠方雜職遂謫潮州三河驛丞思年少氣銳每眾中指切人是非已悔之自歛為質訥及被謫怡然就道夜過灑水舟飄巨石上緣石坐浩歌家人後至聞歌聲乃檣舟以濟玉守仁講學贛州思從之遊及守仁討宸濠檄思贊軍議世宗嗣位名復故官仍加俸一級思疏辭且言陛下欲作敢言之氣以防壅蔽之奸莫若省覽奏章名見大臣勿使邪僻阿徇之說盡惑聖聽則堯舜之治可成不然縱加恩于先朝譴責之臣抑末矣帝不允因命近日遷俸者皆不得辭尋充經筵講官嘉靖三年與同官屢爭大禮不報時張璁桂萼方獻夫為學士思羞與同列疏乞罷歸不許其年七月借延臣伏左順門哭諫帝大怒繫之詔獄杖三十踰旬再杖之思與同官王相

給事中張原等凡十有七人皆病劄先後卒隆慶初各廕一子贈官有差思贈右諭德思志行邁流俗與李中鄒守益善高陵呂柟亟稱之嘗曰聞過而喜似季路欲寡未能似伯玉則改齋其人也改齋者思別號也

王守仁字伯安餘姚人父華字德輝成化十七年進士第一授修撰宏治中累官學士少詹事華有器度在講幄最久孝宗眷之李廣貴幸華講大學衍義至唐李輔國與張后表裏用事指陳甚切帝命中官賜食勞焉正德初進禮部左侍郎以守仁忤劉瑾出爲南京吏部尙書坐事罷旋以會典小誤降右侍郎瑾敗乃復故無何卒華性孝母岑年踰百歲卒華已年七十餘猶寢苦蔬食士論多之守仁娠于四月而生祖母夢神人自雲中送兒下因名雲五歲不能言異人拊之更名守仁乃言年十五訪客居庸山海

氏姓譜

卷八十五

七陽 王氏

二

關時闢出塞縱觀山川形勝弱冠舉鄉試學大進顧益好言兵且善射登宏治十二年進士使治前威寧伯王越葬還而朝議方急西北邊守仁條八事上之尋授刑部主事決囚江北引疾歸起補兵部主事正德元年冬劉瑾逮南京給事中御史戴銑等二十餘人守仁抗章救瑾怒廷杖四十謫貴州龍場驛丞龍場萬山叢薄苗獠雜居守仁因俗化導夷人喜相率伐木爲屋以棲守仁瑾誅量移廬陵知縣入覲遷南京刑部主事吏部尙書楊一清改之驗封累遷考功郎中擢南京太僕少卿就遷鴻臚卿兵部尙書王瓊素奇守仁才十一年八月擢右僉都御史巡撫南贛當是時南中盜賊蜂起謝志山據橫水左溪桶岡池仲容據瀏頭皆稱王與大庾陳日能樂昌高快馬柳州龔福全等攻剽府縣而福建大帽山賊詹師富等又起前巡撫文

蘇托疾避去志山合樂昌賊掠大庾攻南康贛州贛縣主簿吳玘戰死守仁至檄福建廣東會兵先討大帽山明年正月督副使胡璉等破賊長富村逼之象湖山指揮覃桓縣丞紀鏞戰死守仁親率銳卒屯止杭佯退師出不意搗之連破四十餘寨俘斬七千有奇指揮王鎧等禽師富疏言權輕無以令將士請給旗牌提督軍務得便宜從事尙書王瓊奏從其請乃更兵制七月進兵大庾志山乘間急攻南安知府李敷擊敗之副使楊璋等亦生繫曰能以歸遂議討橫水左溪十月都指揮許清等各一軍會左溪吉安知府伍文定程鄉知縣張戩遏其奔軼守仁自駐南康去橫水三十里先遣四百人伏賊巢左右進軍逼之賊方迎戰兩山舉幟賊大驚謂官軍已盡羣其巢遂潰乘勝克橫水志山及其黨蕭貴模等皆走桶岡左溪亦破守仁以

氏姓譜

卷八十五

七陽

王氏

三

桶岡險固移營近地諭以禍福賊首藍廷鳳等方震恐見使至大喜期仲冬朔降珣文定已冒雨奪險入賊阻水陣珣直前搏戰文定與戩自右出賊倉卒敗走遇淳兵又敗諸軍破桶岡志山貴模廷鳳面縛降凡破巢八十有四俘斬六千有奇初守仁之平師富也龍川賊盧珂鄭志高陳英咸請降及征橫水泃頭賊將黃金巢亦以五百人降獨仲容未下橫水破仲容始遣弟仲安來歸而嚴爲戰守備詭言珂志高仇也將襲我故爲備守仁佯杖繫珂等而陰使珂弟集兵待遂下令散兵歲首大張燈樂仲容信且疑守仁賜以節物誘入謝仲容率九十三人營教場而自以數人入謁守仁呵之曰若皆吾民屯于外疑我乎悉引入祚符宮厚飲食之賊大喜過望益自安守仁留仲容觀燈樂正月三日大享伏甲士于門諸賊入以次悉禽戮之自

將抵賊巢連破上中下三剎斬馘二千有奇餘賊奔九連
山山橫亘數百里陡絕不可攻乃簡壯士七百人衣賊衣
奔崖下賊招之上官軍進攻內外合擊禽斬無遺乃于下
剎立平和縣置戍而歸自是境內大定初朝議賊勢強發
廣東湖廣兵合勦及桶岡旣滅湖廣與廣東兵尙未至守
仁所將皆文吏及偏裨小校平數十年巨寇遠近驚爲神
進右副都御史予世襲錦衣衛百戶十四年春月命勒福
建叛軍行至豐城而寧王宸濠反知縣顧必以告守仁急
趨吉安與伍文定徵調兵食治器械舟楫傳檄暴宸濠罪
俾守令各率吏士勤王都御史王懋中等十餘人咸赴守
仁軍御史謝源伍希儒自廣東還守仁留之紀功因集衆
議曰賊若出長江順流東下則南都不可保吾欲以計撓
之乃多遣間諜檄府縣言都督許泰卻承劉暉桂勇將兵

氏姓譜

卷八十五

七陽

王氏

四

各四萬水陸並進南贛王守仁湖廣秦金兩廣楊旦各率
所部合十六萬直擣南昌又爲蠟書遺僞相李士實劉養
正叙其歸國之誠令愆患早發兵東下面縱謀洩之宸濠
果疑與士實養正謀則皆勸之疾趨南京卽大位宸濠益
大疑十餘日詎知中外兵不至乃悟守仁紿之七月壬辰
朔留宜春王拱樞居守而劫其衆六萬人襲下九江南康
出大江薄安慶守仁聞南昌兵少則大喜趨樟樹鎮知府
臨江戴德儒等各以兵來會合八萬人號三十萬或請救
安慶守仁曰不然今九江南康已爲賊守我越南昌與相
持江上二艘兵絕我後是腹背受敵也不如直搗南昌賊
精銳悉出守備虛我軍新集氣銳攻必破賊聞南昌破必
解圍自救逆擊之湖中蔑不勝矣衆曰善已酉次豐城以
文定爲前鋒先遣奉新知縣劉守緒襲其伏兵庚戌夜半

文定兵抵廣潤門守兵駭散辛亥黎明諸軍梯垣登縛拱
櫓等官人多焚死軍士頗殺掠守仁戮犯令者十餘人宥
脅從安士民慰諭宗室人心乃悅居二日遣文定等各將
精兵分道進而使堯元等設伏宸濠果自安慶還兵乙卯
遇于黃家渡文定當其前鋒賊趨利邢珣繞出賊背貫其
中文定余恩乘之徐璉德孺張兩翼分賊勢堯元等伏發
賊大潰退保八字腦宸濠懼盡發南康九江兵守仁遣知
府撫州陳槐饒州林城取九江建昌會璵廣信周朝佐取
南康丙辰復戰官軍却守仁斬先却者諸軍殊死戰賊復
大敗退保樵舍聯舟爲方陣盡出金寶犒士明日宸濠方
晨朝其羣臣官軍奄至以小舟載薪乘風縱火焚其副舟
妃婁氏以下皆投水死宸濠舟膠淺倉卒易舟遁王冕所
部兵追執之士實養正及降賊按察使楊璋等皆就禽南
氏姓譜

卷八十五

七陽

王氏

五

康九江亦下凡三十五日而賊平京師聞變諸大臣震懼
王瓊大言曰王伯安居南昌上游必禽賊至是果奏捷帝
時已親征自稱威武大將軍將京軍數千沂江而上抵南
昌諸嬖倖故與宸濠通守仁初上宸濠反書請黜奸諛以
回人心諸嬖倖皆恨宸濠既平則相與冒功且懼守仁見
天子發其罪競爲蜚語謂守仁先與通謀慮事不成乃起
兵又欲令縱宸濠湖中待帝自禽守仁乘張忠許泰未至
先俘宸濠發南昌忠泰以威武大將軍檄邀之廣信守仁
不與間道趨玉山上書請獻俘止帝南征帝不許至錢唐
遇太監張永提督贊畫機密軍務在忠泰輩上而故與
楊一清善守仁夜見永頌其賢因極言江西困敝不堪六
師擾永深然之曰永此來爲調護聖躬非邀功也公大勛
永知之但事不可直情耳守仁乃以宸濠付永而身至京

口欲朝行在聞巡撫江西命乃還南昌忠泰已先至恨失
宸濠故縱京軍犯守仁守仁不爲動撫之甚厚京軍謂王
都堂愛我無復犯者忠泰輕守仁文士強之射徐起三發
三中京軍皆歡呼忠泰益沮會冬至守仁命居民上塚哭
悲號震野京軍聞之無不泣下思歸者忠泰不得已班師
此見帝與紀功給事中祝續御史章綸讒毀百端獨永時
時左右之忠揚言帝前曰守仁必反試召之必不至忠泰
屢矯旨名守仁守仁得永密信不赴及是知出帝意立馳
至忠泰計沮不令見帝守仁乃入九華山日晏坐僧寺帝
覘知之曰王守仁學道人也聞名卽至何謂反乃遣還鎮
令更上捷音當是時讒邪構煽禍變叵測微守仁東南事
幾殆世宗深知之甫卽位趣召入朝受封而大學士楊廷
和與王瓊不相能守仁前後平賊率歸功瓊廷和不喜大
氏姓譜

卷八十五

七陽

王氏

六

臣亦多忌其功會有言國哀未畢不宜舉宴行賞者因拜
守仁南京兵部尚書守仁不赴請歸省論功進光祿大夫
柱國新建伯世襲歲祿一千石然不予鉄券歲祿亦不給
守仁憤甚時已丁父憂屢疏辭爵乞錄諸臣功咸報寢免
喪亦不召久之將召用而費宏復沮之嘉靖六年恩恩田
州土酋盧蘇王受反總督姚鏌不能定乃詔守仁以原官
兼左都御史總督兩廣兼巡撫黃綰因上書訟守仁功請
賜鉄券歲祿並叙討賊諸臣帝咸報可守仁在道疏陳用
兵之非章下兵部尚書王時中條其不合者五帝令守仁
更議十二月守仁抵潯州會巡按御史石金定計招撫蘇
受初來撫不得聞守仁至益懼至是則大喜守仁赴南寧
二人遣使乞降守仁數二人罪杖而釋之親入營撫其衆
七萬奏聞于朝請復設流官量割田州地別立一州以岑

猛次子邦相爲吏目署州事侯有功擢知州而于田州置
十九巡檢司以蘇受等任之並受約束于流官知府帝皆
從之斷藤峽徭賊上連八寨下通仙臺花相諸洞蠻盤亘
三百餘里郡邑罹害者數十年守仁欲討之故留南寧罷
湖廣兵示不再用伺賊不備進破牛腸六寺等十餘寨峽
賊悉平遂循橫石江而下攻克仙臺花相白石古陶羅鳳
諸賊合布政使林富率蘇受兵直抵八寨破石門副將沈
希儀邀斬軼賊盡平八寨始帝以蘇受之撫遣行人奉璽
書獎諭及奏斷藤峽捷則以手詔問閣臣楊一清等謂守
仁自誇大且及其生平學術一清等不知所對桂萼暴貴
喜功各風守仁取交趾守仁辭不應一清雅知守仁而黃
綰嘗上疏欲令守仁入輔毀一清一清亦不能無移恨萼
遂顯詆守仁征撫交失賞格不行獻夫及霍韜不平上疏

民姓譜

卷八十五

七陽 王氏

七

爭之帝報聞而已守仁已病甚疏乞骸骨舉鄖陽巡撫林
富自代不俟命竟歸行至南安卒年五十七喪過江西軍
民無不縞素哭送者守仁天姿異敏年十七謁上饒婁諒
與論朱子格物大指還家日端坐講讀五經不苟言笑遊
九華歸築室陽明洞中泛濫二氏學數年無所得謫龍場
窮荒無書日釋舊聞忽悟格物致知之學喟然曰道在是
矣遂篤信不疑其爲教專以致良知爲主謂宋周程二子
後惟象山陸氏簡易直捷有以接孟氏之傳而朱子集註
或問之類乃中年未定之說學者翕然從之世遂有陽明
學云守仁旣卒桂萼奏其擅離職守事不師古言不稱師
欲立異以爲高則非朱熹格物致知之論帝乃下詔停世
襲卹典俱不行隆慶初廷臣多頌其功詔贈新建侯諡曰
文成二年予世襲伯爵始守仁無子育弟子正憲爲後晚

年生子正德二歲而孤既長襲錦衣副千戶隆慶初襲新
建伯萬歷五年卒子承勛嗣

王邦瑞字惟賢宜陽人早有器識爲諸生山東盜起上勦
寇十四策于知府正德十二年成進士改庶吉士與王府
有連出爲廣德知州嘉靖初祖憂去補滁州屢遷南京吏
部郎中出爲陝西提學僉事坐歲貢不中式五名以上貶
濱州知州再遷固原兵備副使涇邠巨盜李孟春流劫河
東西勦平之以祖母憂去服除復提學陝西轉參政母憂
解職起擢右僉都御史巡撫寧夏寇乘冰入犯設伏敗之
改南京大理卿未上名爲兵部右侍郎改吏部進左僉答
犯都城命邦瑞總督九門邦瑞屯禁軍郭外以巡捕軍營
東西長安街大啟郭門納四郊避寇者兵部尙書丁汝夔
下獄命邦瑞攝其事兼督團營寇退請治諸將功罪且濬

氏姓譜

卷八十五

七陽

王氏

八

九門濠塹皆報可邦瑞見營制久弛極陳其弊遂罷十二
團營悉歸三大營以咸寧侯仇鸞統之邦瑞亦改兵部左
侍郎專督營務復條上興革六事申言宦官典兵古今大
患請盡撤提督監槍者帝報從之又舉前編修趙時春工
部主事申燧知兵並改兵部部分理京營事未幾帝召兵部
尙書翁萬達未至遲之遂命邦瑞代條上安攘十二事仇
鸞構邦瑞于帝帝眷漸移會鸞奏革薊州總兵官李鳳鳴
大同總兵官徐珏任而薦京營副將成勳代鳳鳴密雲副
將徐仁代珏旨從中下邦瑞言朝廷易置將帥必采之公
卿斷自宸衷所以慎防杜漸示臣下不敢專也且京營大
將與列鎮將不相統攝何緣京營乃黜陟各鎮今曲徇鸞
請臣恐九邊將帥悉奔走托附非國之福也帝不悅下旨
譙讓鸞又欲節制邊將罷築薊鎮邊垣邦瑞皆以爲不可

鷺大懷益肆讒構會邦瑞復陳安擴大計遂嚴旨落職以冠帶辦事居數日大計自陳竟除名以趙錦代邦瑞鷺益橫明年誅死錦亦坐黨比遣戍于是帝漸思之踰十年京營缺人帝曰非邦瑞不可乃起故官既至疏便宜數事悉允行踰年卒贈太子少保諡襄毅遣行人護喪歸邦瑞嚴毅有識量歷官四十年以廉節著子正國南京刑部侍郎王擴字存納黃巖人宏治十五年進士除太常博士正德時累遷刑科都給事中武定侯郭勛鎮兩廣行事乖謬詔自陳勳強辨擴等駁之都察院覆奏不錄擴言擴並劾都御史彭澤帝責澤置勳不問御史林有年直言下獄浙江僉事韓邦奇忤中官被逮擴皆救之帝幸大同久不反擴力請回鑾又與工科石天柱救彭澤忤王瓊中旨調兩人于外擴得惠州推官世宗立召復都給事中旋擢太僕少

氏姓譜

卷八十五

七陽

王氏

九

卿改太常嘉靖三年遷應天府尹歲大侵奏免其賦居四年遷南京刑部右侍郎以母老歸養家居十年起故官尋擢南京右都御史守備中官進表率以兩御史監禮擴曰中官安得役御史止之奉賀入朝謁內閣夏言言蹇甚大臣多隅坐擴獨引坐正之言不悅擴遂謝病歸擴與御史潘壯不相能壯坐大獄詔擴提問擴力白壯罪至忤旨人以此稱擴長者卒贈工部尚書

王時中

字道夫黃縣人宏治三年進士授鄢陵知縣嘗出

郊旋風擁馬首時中日冤氣也跡得屍胥井乃婦與所私者殺之遂伏辜名拜御史督察畿輔馬政正德初請革近畿皇莊不報吏部尚書馬文升致仕時望屬劉大夏閱珪時中詆珪和媚大夏昏耄兩人各求退焦芳遂得之衆咸咎時中出按宣大逮繫武職貪汚者百餘爲東廠太監耶

聚所奏劉瑾捕時中下詔獄荷重枷于都察院門時中病甚其妻往省遇都御史劉宇哭且詬宇不得已言于瑾釋之謫戍缺嶺衛瑾誅起四川副使遷湖廣按察使十二年以右僉都御史巡撫寧夏世宗立名爲右副都御史父喪除起故官會上章聖太后尊號時中言本生二字不當去及上冊寶百官陪列不至者九人時中與焉帝責對狀已而貰之歷兵部左侍郎代李敏爲尙書中官黃英等多所陳請時中皆執不可叙薊州平盜功濫及通州守備馮祐爲言官李鳴鶴等所劾時中乞休且詆言者給事中劉世揚等言時中不當逞忿籍言官帝乃切責時中令歸聽勅嘉靖十年四月起復爲兵部尙書御史郭希愈請重兵部侍郎之選以邊臣有才者兩人分掌邊方內地軍務吏部議從之時中言非祖宗臨時遣將意帝遂從其議帝欲用

氏姓譜

卷八十五

七陽

王氏

十

王憲于兵部乃調時中刑部尙書坐論御史馮恩獄落職聞住始恩疏詆時中及是以寬恩得罪時稱爲長者久之遇赦復官致仕

王杲字景初汶上人正德九年進士授臨汾知縣擢御史巡視陝西茶馬帝遣中官分守蘭靖杲言窮邊飢歲不宜設官累民不報嘉靖三年帝將遣中官督織造蘇杭疏諫不納久之擢太僕少卿進戶部右侍郎河南大飢命杲往振杲請急發帑金詔齋臨清倉銀五萬兩以行旣至復請發十五萬兩全活不可勝計事竣賜銀幣尋以右都御史總督漕運故事繕運艘軍三民七總兵官顧寰以軍民困敝請發兩淮餘鹽銀七十萬戶部尙書李如圭不可杲請改折兩年漕運十之三以所省轉輸費治運艘勿重困軍民報可踰年入爲戶部尙書時國儲告匱諸邊請增餉無

虛月四方多水旱給事中李文進請議廣儲蓄吳列九事以獻已又上制財用十事帝咸納之舊制歲漕四百萬石杲以粟有餘而用不足遇災傷率改折以便民一日帝見改折者過半大驚以詰戶部杲等引罪勅自今務遵祖制毋輕變杲掌邦計事無不辦帝深倚之後有詔買龍涎香人不進帝以此不悅給事中馬錫勅杲及巡倉御史艾朴受賄並下獄杲朴遣戍杲竟卒于雷州戍所隆慶初給事中辛自修等訟杲冤詔復官賜祭葬贈太子太保

王儀字克敬文安人嘉靖二年進士除靈璧知縣以能調嘉定七年擢御史巡按陝西秦府豪占民產儀悉奪還民已巡按河南趙府輔國將軍祐棫招亡命殺人劫斂積十餘年莫敢發儀偕巡撫吳山奏之奪爵禁錮會儀出爲蘇州知府甫三月祐棫潛入都奏儀捃摭并許都御史毛伯

氏姓譜

卷十五

七陽

王氏

十一

溫以私憾入已罪且言臣嘗建醮祈皇嗣爲知府王天民訕笑請并按問帝心知祐棫罪而悅其建醮語爲遣使覆按解儀伯溫任下天民獄使者奏儀不誣第祐棫罪在赦前宜輕坐帝終憐祐棫愛已竟復其爵除儀名伯溫天民皆得罪終嘉靖世多以誹謗齋醮獲重禍由祐棫許奏始儀去蘇州士民走闕下乞還儀至再不報歸愬于巡撫侯位州士民復走闕下乞還儀至再不報歸愬于巡撫侯位以聞帝乃許之至則嘆曰蘇賦當天下什二而田額滄無可考何以定田賦乃履畝丈之使縣各爲籍以八事定賦三條核稅課徭役雜辦維均治爲知府第一進浙江副使飭蘇松常鎮兵備巡撫歐陽鐸均田賦儀佐之以治蘇者推行于旁郡坐與操江王學夔討賊敗績停俸戴罪未幾殲賊江中進秩一等遷山西右參政分守冀寧寇抵清源

城儀洞開城門寇疑引去按行所部築城郭積糗糧榆次
平定間遂皆有城二十一年擢右僉都御史巡撫宣府寇
入龍門總兵官卻永等敗之儀進右副都御史尋以策邊
垣賚銀幣寇自萬全右衛入游騎犯完唐奪俸二給考察
拾遺貶一官已勘上失事罪貶秩如初久之除肅州兵備
副使協巡撫楊博徙哈密遺種于境外稍遷右參政復拜
右僉都御史巡撫甘肅未行俺答犯京師詔儀馳鎮通州
仇鸞部卒掠民貲捕笞之柳市門外鸞訴于帝逮訊斥爲
民卒隆慶初子緘訟寃復官賜卹緘官按察使分巡遼陽
以知兵名

王學夔安福人正德時以吏部主事諫南巡跪闕下受杖
嘉靖初奏請裁戚畹又申救言官歷考功文選郎中廉謹
爲時所稱普撫治鄖陽有僞稱皇子者諸司議用兵學夔
氏姓譜

卷八十五

七陽

王氏

七

曰妄豎子耳密捕致之辟果遷南京吏禮兵三部尙書隆
慶萬歷間存問者再年九十四卒贈太子少保

王科字進卿涉縣人正德十二年進士授藍田知縣城隘
且無水科導西山水人城拓而廣之遂爲望邑毀境內淫
祠以其材葺學宮嘉靖四年徵爲工科給事中

王與齡字受甫寧鄉人嘉靖八年進士授蘇州推官入爲
戶部主事調吏部進員外郎二十一年遷文選郎中澄清
銓叙所推薦皆廉靜老成大學士翟鑾爲禮部主事張惟
一求吏部嚴嵩爲監生錢可教求東陽知縣俱書抵與齡
與齡偕員外郎吳伯亨主事李大魁周鈇白之尙書許讚
具疏以聞言平時請屬甚多臣等違抗積罪如山非聖明
覆庇則二權奸主于中羣鷹犬利于外臣等不爲前選郎
王嘉賓之斥得爲近日御史謝瑜之罷幸矣疏入鑿言惟

一資望應遷嵩詆無致書事請遠可教詆治因言聖明日
覽奏章草弊釐奸悉由宸斷而讚等妄意臣輩爲之借以
修怨然讚柔良第受制所屬耳帝方信嵩又見疏中引嘉
賓瑜事遂發怒切責讚除與齡名伯亨等俱調外給事中
周怡論之廷杖繫獄御史徐宗魯等亦以爲言皆奪俸自
是諸司以與齡爲戒無復敢與嵩抗與齡旣罷錦衣遣使
偵其裝襪被外無長物稱嘆而去里居角巾躬稼圃翛然
自得郡人爲作平陽四賢詩美之四賢者尙書韓文陶琰
張澗及與齡也越二十餘年而卒

王暉字韜孟金壇人嘉靖十四年進士授吉安推官各拜
南京吏科給事中二十年九月偕同官上言外寇陸梁木
兵張瓚及總督尙書樊繼祖新遷侍郎費宋不堪重寄帝
下其章于所司居兩月復劾瓚因及禮部尙書嚴嵩總督

氏姓譜

卷十五

王陽

王氏

三

侍郎胡守中與巨奸郭勛相結納嵩所居第宅則勛私人
代營之踰月御史伊敏生鄭芸陳策亦云嵩居宅乃勛私
人孫濤所居濤籍沒嵩第應在籍中帝怒奪敏生等俸一
級嵩不問而守中竟由暉疏獲罪明年秋嵩入內閣吏科
都給事中沈良才御史喻時等交章劾嵩踰月山西巡按
童漢臣章上又踰月暉與同官陳瓊御史陳紹等章亦上
大指皆論嵩奸貪而暉疏並及嵩子世蕃語尤剴切帝皆
不省嵩憾甚未有以中也久之爲山東僉事給由入都道
病後期嵩遂奪其官暉在臺嘗劾罷方面官三十九人直
聲甚著比歸環堵蕭然數年卒

王宗茂字時育京山人父橋廣東布政使從父格太僕卿
宗茂登嘉靖二十六年進士授行人三十一年擢南京御
史時先後劾嚴嵩者皆得禍沈鍊至謫佃保安中外懾其

威益箝口宗茂積不平甫拜官三月上疏曰嵩本邪諂之徒寡廉鮮恥久持國柄作福作威薄海內外罔不怨恨如吏兵二部每選請屬二十人人索賄數百金任自擇善地致文武將吏盡出其門此嵩負國之罪一也任私人萬案爲考功郎凡外官遷擢不察其行能不計其資歷惟賄是問致端方之士不得爲國家用此嵩負國之罪二也往歲遭人論劾潛輸家資南返輦載珍寶不可數計金銀人物多高二三尺者下至溺器亦金銀爲之不知陛下宮中亦有此器否邪此嵩負國之罪三也廣布良田遍于江西數郡又于府第之後積石爲大坎實以金銀珍玩爲子孫百世計而國計民瘼一不措懷此嵩負國之罪四也畜家奴五百餘人往來京邸所至騷擾驛傳害害居民長吏皆怨怒而不敢言此嵩負國之罪五也陛下所食大官之饌不

氏姓譜

卷十五

七陽

王氏

古

數品而嵩則窮極珍錯殊方異產莫不畢致是九州萬國之待嵩有甚于陛下此嵩負國之罪六也往歲寇迫京畿正上下憂懼之日而嵩貪肆益甚致民俗歌謠遍于京師達于沙漠海內百姓莫不祝天以冀其早亡嵩尚恬不知止此嵩負國之罪七也募朝士爲乾兒義子至三十餘輩若尹耕梁紹儒早已敗露此輩實衣冠之盜而皆爲之爪牙助其虐酷致朝廷恩威不出于陛下此嵩負國之罪八也夫天下之所恃以爲安者財也兵也不才之交吏以賂而出其門則必剝民之財去百而求于去千而求萬民奈何不困不才之武將以賂而出其門則必尅軍之餉或缺伍而不補或踰期而不發兵奈何不疲邇者四方地震其古爲臣下專權試問今日之專權者寧有出于嵩右乎陛下之帑藏不足支諸邊一年之費而嵩所蓄積可贍儲數

年與其開賣官鬻爵之令以助邊蓋去此蠹國害民之賊籍其家以紓患也臣見數年以來凡論嵩者不死于廷杖則役于邊塞臣亦有身家寧不致惜而敢犯九重之怒撻權相之鋒哉誠念世受國恩不忍見祖宗天下壞于賊嵩之手也疏至通政司趙文華密以示嵩留數日始上由是嵩得預爲地遂以誣誑大臣謫平陽縣丞方宗茂上疏自謂必死及得貶恬然出都到官半歲以母憂歸嵩無以釋恨奪其父橋官橋竟憤悒卒嵩罷相之日宗茂亦卒隆慶初贈光祿少卿

王效延緩人讀書能文辭嫻韜畧騎射絕人中武會試嘉靖中累官都指揮僉事充延緩右參將出神木塞擣寇獲乃山斬獲多尋擢延緩副總兵十一年冬進署都督僉事充總兵官代周尙文鎮寧夏吉襄犯鎮遠效與梁震敗之

氏姓譜

卷八十五

七陽

王氏

吉

柳門追北蜂窩山感溺之河斬首百四十有奇壘書獎賚

吉襄十萬騎復窺花馬池效震拒之不得入轉犯乾溝震分兵擊遂趨固原總兵官劉文力戰寇趨青山峴大掠安定會寧效方敗別部于鼠湖追至沙湖疾移師往援破之安定再破之靈州先後斬首百五十餘級總制三邊尙書唐龍以太捷聞而巡按御史奏諸將失事罪給事中戚賢往勘奏安會二縣多殺掠文當罪然麾下卒僅八千倍道蒙險擄八九萬方張之寇殊死戰宜以功贖震乾溝效鼠湖沙湖安定靈州之戰以孤軍八百當寇萬餘功俱足錄龍亦善調度詔文奪職震效賚銀幣龍一子入監是役也功多執政尼之故賞薄御史周鈇以爲言龍效震各加一級效進都督同知尋以清水營功進右都督寇以輕騎犯寧夏效伏兵打鎧口俟其半入橫擊敗之而防河卒復以

戰艘邀斬其奔渡者捷聞進左都督冠憤設伏誘敗之賊
右都督十六年移鎮宣府踰年卒諡曰武襄效言行謹飭
用兵兼謀勇威名著西陲

王家屏字忠伯大同山陰人隆慶二年進士選庶吉士授
編修預修世宗實錄高拱兄捷前爲操江都御史以官帑
遺趙文華家屏直書之時拱方柄國囑稍諱家屏執不可
萬歷初進修撰充日講官敷奏剴摯帝嘗歛容受稱爲端
士張居正寢疾詞臣率奔走禱祈獨家屏不往再遷侍講
學士十二年擢禮部右侍郎改吏部甫踰月命以左侍郎
兼東閣大學士入預機務去史官三年卽輔政前此未有
也申時行當國許國王錫爵次之家屏居末每議事秉正
持法不亢不隨越二年遭繼母憂詔賜銀幣馳傳行人護
行服甫闋詔進禮部尙書遣行人名還抵京師三月未得
氏姓譜

卷十五

七賜 王氏

六

見家屏以爲言請因聖節御殿受賀畢發留中章奏舉行
冊立皇太子禮不報復偕同官疏請帝乃于萬壽節強一
臨御焉俄遣中官諭家屏獎以忠愛家屏疏謝復請帝勤
視朝居數日帝爲一御門延見自是益深居不出矣評事
雜於仁進四箴帝將重罪之家屏言人主出入起居之節
耳目心志之媿庶官不及知不敢諫者輔弼之臣得先知
而預諫之故能防欲于微渺今於仁以庶僚上言而臣備
位密勿反緘默苟容上虧聖明之譽下陷庶僚蒙不測之
威臣罪大矣尙可一日立于聖世哉帝不憚留中而於仁
得善去十八年以旱乞罷不報時儲位未定廷臣交章
請冊立其年十月閣臣合疏以去就爭帝不悅傳諭數百
言切責廷臣沾名激擾指爲悖逆時行等相顧錯愕各具
疏再爭杜門乞去獨家屏在閣復請速決大計帝乃遣內

侍傳語期以明年春夏廷臣無所奏擾卽于冬間議行春則待踰十五歲家屏以口勅難據欲帝特頒詔諭立具草進帝不用復諭二十年春舉行家屏喜卽宣示外廷外廷歡然而帝意實猶豫聞家屏宣示弗善也傳諭詰責時行等合詞謝乃已明年秋工部主事張有德以冊立儀注請帝復以爲激擾命止其事國執爭去時行被入言不得已亦去錫爵先以省親歸家屏遂爲首輔以國諫疏已列各不當獨留再疏乞罷不允乃視事家屏制行端嚴推誠秉公百司事一無所撓性忠讜好直諫冊立期數更中外議論紛然家屏深憂之力請踐大信以塞口語消宮闈釁不報二十年春給事中李獻可等請豫教帝黜之家屏封還御批力諫帝益怒譴謫者相屬家屏遂引疾求罷帝得奏不下次輔趙志臯亦爲家屏具揭帝遂責家屏希名託疾

氏姓譜

卷八十五

七陽

王氏

七

家屏復奏言名非臣所敢棄顧臣所希者陛下爲堯舜之主臣爲堯舜之臣則名垂千載沒有餘榮若徒犯顏觸忌抗爭僨事被譴罷歸何名之有必不希名將使臣身處高官家享厚祿主愆莫正政亂莫匡可謂不希名之臣矣國家奚賴焉疏入帝益不悅遣內侍至邸責以徑駁御批故激主怒于是求去益力或勸少需就大事家屏曰人君惟所欲爲者由大臣持祿小臣畏罪有輕羣下心吾意大臣不愛爵祿小臣不畏刑誅事庶有濟耳遂復兩疏懇請詔馳傳歸家屏柄國止半載又強半杜門以慙直去國朝野惜焉閏八年儲位始定遣官齎勅存問賚金幣羊酒又二年卒年六十八贈少保謚文端熹宗立再贈太保任一子尙寶丞家屏家居時朝鮮用兵貽書經畧顧養謙曰昔衛爲狄滅齊桓率諸侯城楚邱春秋高其義未聞遂與狄仇

連諸侯兵以伐之也今第以保會稽之恥激厲朝鮮以城
楚邱之功獎率將吏無爲主而爲客則善矣養謙不能用
朝鮮兵數年無功其深識有謀皆此類也

王遴字繼津霸州人嘉靖二十六年進士除紹興推官入
爲兵部主事歷員外郎峭直矜節槩不妄交同官楊繼盛
劾嚴嵩及其孫效忠冒功事下部覆世蕃自爲稿以屬武
選郎中周寬寬發之反得罪尚書聶豹懼趣所司以世蕃
稿上遴直前爭豹怒竟覆如世蕃言繼盛論死遴爲資弼
體且以女字其子應箕嵩父子大恚撫他事下之詔獄事
自復官及繼盛死收葬之遷山東僉事再遷岢嵐兵備副
使有威名爲巡撫所忌劾去官民相率訟寃詔許起用四
十五年擢右僉都御史巡撫延綏寇大入定邊固原總兵
官郭江戰沒總督陳其學陝西巡撫戴才坐免遴貶俸一
氏姓譜

卷八十五

七陽

王氏

大

秩隆慶改元寇六入塞皆失利去而御史溫如玉論遴不
已解官候勘後御史楊鈺勘上其功遂以故官巡撫宣府
總兵官馬芳驍勇寇不敢深入遴乃大興屯田邊儲賴之
秩滿進右副都御史尋名拜兵部右侍郎省親歸起協理
戎政神宗立張居正秉政遴其同年生然雅不相能會議
閩邊遴請行命往陝西四鎮峻絕餽遺事竣遽移疾歸居
正沒始起南京工部尚書尋改兵部參贊機務守備中官
邱得用濫役營軍遴奏禁之因奏行計安留都十二事名
拜戶部尚書先奉詔蠲除及織造議留其銀百七十六萬
餘兩命于太倉庫補進遴上言諫之時尚寶丞徐貞明御
史徐待開京東水田遴力贊之議遂決故事戶部銀專供
軍國不給他用帝大婚暫取濟邊銀九萬兩爲織造費至
是復欲行之遴執爭未幾詔取金四千兩爲慈寧官用遴

又力持皆不納已陳理財七事請崇節儉重農務督逋負懲貪墨廣儲蓄飭貢市帝報曰事闕朕躬者已知之餘飭所司議行時釋教大盛遴請汰其壯者歸農聚衆修齋者坐左道罪禮部尚書沈鯉請如遴言詔已許后妃宦多言不便事中止改兵部尚書遼東總兵官李成梁賂遺徧輦轂不敢至遴門遴在戶部頻執爭已爲中官所嫉會帝閱壽官中官持御批索馬遴以爲題本當鈐印可禮傳奉由科發部無徑下部者援故事執奏帝不悅大學士申時行嘗以管事指揮羅秀屬遴補錦衣僉書遴格不許時行乃調旨責遴擅留御批失敬上體御史因交章劾遴遴乞休去遴雖退聲望愈重以年高存問者再三三十六年卒贈太子太保天啟中追諡恭肅

王樵字明遠金壇人父臬兵部主事諫武宗南巡被杖終

氏姓譜

卷八十五

七陽

王氏

九

山東副使樵舉嘉靖二十六年進士授行人歷刑部員外郎著讀律私箋甚精核胡宗憲計降汪直欲赦直以示信樵言此叛民與他納降異直遂誅遷山東僉事移疾歸萬歷初張居正柄國雅知樵起補浙江僉事擢尚寶卿劉臺劾居正居正乞歸諸曹奏留之樵獨請全諫臣以安大臣畧言自古明主欲開言路言不當猶優容之大臣欲廣上德人攻已猶薦拔之如宋文彥博于唐介是也今居正留而臺得罪無乃非仁宗待唐介意乎居正大恚出爲南京鴻臚卿旋因星變自陳罷之家居十餘年起南京太僕少卿時年七十餘矣歲中再遷大理卿尋拜南京刑部右侍郎誠意伯劉世延主使殺人樵當世延草任尋就擢右都御史給事中盧大中劾其衰老令致仕樵恬澹誠慤溫然長者遂經學易書春秋皆有纂述卒贈太子少保諡恭簡

王肯堂字宇泰樵之子也舉萬曆十七年進士選庶吉士授檢討倭寇朝鮮疏陳十議願假御史銜練兵海上疏留中因引疾歸京寮降調家居久之吏部侍郎楊時喬薦補南京行人司副終福建參政肯堂好讀書尤精于醫所著證治準繩該博精粹世競傳之

王崇古字學甫蒲州人嘉靖二十年進士除刑部主事由郎中歷知安慶汝寧二府遷常鎮兵備副使擊倭夏港追殲之靖江從巡撫曹邦輔戰濟甯已偕俞大猷追倭出海累進陝西按察使河南右布政使四十三年改右僉都御史巡撫寧夏崇古喜談兵具知諸邊阨塞身歷行陣修戰守納降附數出兵搗巢寇屢踐他鎮寧夏獨完隆慶初加右副都御史吉囊子吉能據河套爲西郵諸部長別部賓免駐牧大小松山南擾河湟番族環四鎮皆寇總督陳其氏姓譜

卷十五

七陽

王氏

辛

學無威畧總兵官郭江黃演等皆敗死陝西巡撫戴才亦坐免其冬進崇古兵部右侍郎兼右僉都御史總督陝西延寧甘肅軍務崇古奏給四鎮旗牌撫臣得用軍法督戰又指畫地圖分授諸大將趙奇雷龍等數有功着力免行牧河東龍潛出興武襲破其營斬獲多加崇古右都御史吉能犯邊爲防秋兵所遏移營白城子龍等出花馬池長城關與戰大敗之崇古在陝七年先後獲首功甚多自河套以東宣府大同邊外吉囊弟俺答昆都力駐牧地也又東剽昌以北吉囊俺答主土蠻居之皆強盛俺答又納叛人趙全等據古豐州地招亡命數萬屋居佃作號曰板升全等尊俺答爲帝爲治城郭宮殿亦自治第制度如三者署其門曰開化府又日夜教俺答爲兵東入薊昌西掠忻代遼騎薄平陽靈石至潞安以北起嘉靖辛丑擾邊者三

十年邊臣坐失事得罪者甚衆患視陝西四鎮尤劇朝廷
募獲全者官都指揮使賞千金卒不能得邊將士率賄寇
求和或反爲用諸陷寇自拔歸者輒殺之以旨功賞敵情
不可得而軍中動靜敵輒知四年正月詔崇古總督宣大
山西軍務崇古禁邊卒闌出而縱其素通寇者深入爲間
又檄勞番漢陷寇軍民率衆降及自拔者悉存撫之歸者
接踵西番瓦剌黃毛諸種一歲中降者踰二千人其冬把
漢那吉來降把漢那吉者俺答第三子鉄背台吉子也幼
失父育于俺答妻一克哈屯長娶大成比妓不相得把漢
自聘我兒都司女號三娘子卽俺答外孫女也俺答見其
美奪之把漢恚又聞崇古方納降是年十月率妻子十餘
人來歸巡撫方逢時以告崇古念因此制俺答則趙全等
可除也留之大同慰藉甚至偕逢時疏聞于朝曰俺答橫

氏姓譜

卷十五

七陽

王氏

二

行塞外幾五十年威制諸部侵擾邊圉今神厭凶德骨月
離叛千里來降宜給宅舍授官職豐餼廩服用以悅其心
嚴禁出入以虞其詐若俺答臨邊索取則因與爲市責令
縛送板升諸逆還被掠人口然後以禮遣歸策之上也若
遂桀驁稱兵不可理諭則明示欲殺以撓其志彼望生還
必懼我制其死命志奪氣沮不敢大逞然後徐行吾計策
之中也若遂棄而不求則當厚加資養結以恩信其部衆
繼降者處之塞下卽令把漢統領畧如漢置屬國居烏桓
之制他日俺答死子辛愛必有其衆因加把漢名號令收
集餘衆自爲一部辛愛必忿爭彼兩族相持則兩利俱存
若互相仇殺則按兵稱助彼無暇侵陵我遂得休息又一
策也若循舊例安置海濱使俺答日南望侵擾不已又或
給配諸將使之隨營立功彼素驕貴不受驅策駕馭苟乖

必滿怨望願生颺去之心終貽反噬之禍均爲無策奏至
朝議紛然不能決大學士高拱張居正力主崇古議詔授
把侯指揮使賜緋衣一襲以息異議俺答方掠西番聞變
急歸調幸愛兵分道入犯索把漢甚急辛愛佯發兵陰擇
便利以故俺答不得志一克哈屯思其孫朝夕哭俺答患
之巡撫逢時遣百戶鮑崇德入其營俺答盛氣待之曰自
吾用兵而鎮將多死崇德曰鎮將孰與而孫今朝廷待而
孫甚厚稱兵是速其死也俺答疑把漢已死及聞言心動
使使謂之崇古令把漢緋袍金帶見使者俺答喜過望崇
德因說之曰趙全等且至把漢夕返俺答大喜屏人語曰
我不爲亂亂由全等今吾孫降漢是天遣之合也天子幸
封我爲王永長北方諸部孰敢爲患卽不幸死我孫當襲
封彼受朝廷厚恩豈敢負邪遂遣使與崇德俱來又爲辛

氏姓譜

卷八十五

七陽

王氏

三

愛求官並請互市崇古以聞帝悉報可俺答遂縛全等十
餘人以獻崇古亦遣使送把漢歸帝以叛人旣得祭告郊
廟磔全等于市加崇古太子少保兵部尙書總督如故把
漢旣歸俺答與其妻撫之泣遣使報謝誓不犯大同崇古
令要土蠻昆都力吉能等皆入貢俺答報如約惟土蠻不
至崇古念土蠻勢孤蘄昌可無患命將士勿燒荒搗巢議
通貢市休息邊民朝議復詳尙書郭乾謂馬市先帝明禁
不宜許給事中章端甫請勅崇古無邀近功忽遠慮崇古
上疏因條封貢八事以上詔下廷議不一郭乾悉上衆議
會帝御經筵閣臣面請外示羈縻內修守備乃詔封俺答
順義王名所居城曰歸化昆崙力辛愛等皆授官封把漢
貽勇將軍指揮使如故俺答率諸部受詔甚恭使使貢馬
執趙全餘黨以獻帝嘉其誠賜金幣又雜采崇古及廷臣

議賜王印給食用加撫賞惟真使不聽入京河套吉能亦如約請命以事在陝西下總督王之誥議之誥欲令吉能一二年不犯方許封貢崇古復上疏詔進太子太保萬歷初召理戎政給事中劉鉉劾崇古行賄營遷詔責鉉妄言已加少保遷刑部尚書改兵部初俺答諸部嘗越甘肅掠西番既通款其從孫切盜台吉連歲盜番不得志求俺答西援崇古每作書止之俺答亦報書謝是年俺答請與三鎮通事約善欲西迎佛崇古上言西行非俺答意且以迎佛爲名不可沮宜飭邊鎮嚴守備而陰泄其謀于番族以示恩于是鉉及同官彭應時南京御史陳堂交章論崇古弛防徇敵崇古疏辯乞休帝優詔報之令勿以人言介意給事中尹瑾御史高維崧再劾之崇古力請致仕帝乃允歸俺答旣死辛愛捨力克相繼襲封十五年詔以崇古竭

氏姓譜

卷八十五

七陽

王氏

三

忠首事三封告成廕一子世錦衣千戶有司以禮存問又二年卒贈太保諡襄毅崇古身歷七鎮勲著邊陲封貢之初廷議紛呶有爲危言臧帝者閣臣力持之乃得成功順義歸款二十年崇古乃沒總督梅友松撫馭失宜西邊始擾而禍已紆于嘉靖時宣大則歸款迄明季不變云

王宗沐字新甫臨海人嘉靖三十三年進士授刑部主事

與同官李攀龍王世貞輩以詩文相友善宗沐尤習吏治

歷江西提學副使修白鹿洞書院引諸生講習其中三遷

山西右布政使所部歲侵宗沐入覲上疏因請緩征逋賦

留河東新增益課以給宗祿尋改廣西左布政使再補山

東隆慶五年給事中李貴和請開膠萊河宗沐以其功難

成不足濟運遺書中朝止之拜右副都御史總督漕運兼

巡撫鳳陽極陳運軍之苦請亟優恤又以河決無常運道

終梗欲復海運條上便宜七事明年三月遂運米十二萬石自淮入海五月抵天津叙功與夢龍俱進秩賜金幣而南京給事中張煥言比聞入舟漂沒失米三千二百石宗沐預計有此私令羅補夫米可補人命可補乎宗沐掩飾視聽非大臣誼宗沐疏辨求勘詔行前議習海道以備緩急未幾海運至卽墨颶風大作覆七舟都給事中賈三近御史鮑希顏及山東巡撫傅希摯俱言不便遂寢時萬歷元年也宗沐以徐邳俗獷悍多姦猾濱海鹽徒出沒六安霍山礦賊竊發奏設守將又名豪狹巨室三百餘人充義勇責令捕盜後多以功給冠帶遷南京刑部右侍郎奉勅閱視宣大山西諸鎮邊務母喪歸九年以京察拾遺罷不叙居家十餘年卒贈刑部尙書天啟初追諡襄裕

氏姓譜

卷八十五

七陽

王氏

四

御史按部至用汲言狀知府曰此何與諸生事用汲曰范

希文秀才時以天下爲己任矧鄉井之禍乃不關諸生邪

舉隆慶二年進士授淮安推官稍遷常德同知入爲戶部

員外郎萬歷六年首輔張居正歸葬其親湖廣諸司畢會

巡按御史趙應元獨不往居正嘆之及應元事竣得代卽

以病請僉都御史王篆者居正答也素恨應元且迎合居

正意屬都御史陳炯劾應元規避遂除名用汲不勝憤乃

上疏居正大怒欲下獄廷杖會次輔呂調陽在告張四維

擬削用汲籍帝從之居正以罪輕移怒四維厲色待之者

累日用汲歸屏居郭外布衣講授足不踐城市居正死起

補刑部未上擢廣東僉事尋名爲尙寶廩進大理少卿會

法司議胡橫龍宗武殺吳仕期獄傳以謫戍用汲駁奏曰

按律刑部及大小官吏不依法律聽從上司主使出入人

罪者罪如之蓋謂如上交罪斬妻子爲奴財產入官之律也仕期之死槓非主使者乎宗武非聽上司主使者乎今僅謫戍不知所遵何律也上欲用汲言閣臣申時行等謂仕期自斃宜減等獄遂定尋遷順天府尹歷南京刑部尙書致仕用汲爲人剛正遇事敢爲自尹京後累遷皆在南以疆直故也卒贈太子太保諡曰恭質

王國字之楨耀州人萬歷五年進士選庶吉士改御史出視畿輔屯田清成國公朱允禎等所侵地九千六百餘頃張居正疾篤疏薦其座主潘晟入內閣帝從之國與同官魏允貞雷士楨給事中王繼光孫燁牛惟柄張鼎思抗言不可寢其命已極論中官馮保罪且言居正死保令徐爵索其家名琴七夜光珠九珠簾五黃金三萬白金十萬居正子簡修躬齋至保邸而保揚言陛下取之誣汗聖德因

氏姓譜

卷十五

七陽

王氏

五

發會省吾王篆表裏結納狀國疏自外至與李植疏先後上帝已納植言罪保植遂受知國亦由此顯名還朝薦王錫爵陸樹聲胡執禮耿定向海瑞胡直顏鯨魏允貞尋出督南畿學政以疾歸起掌河南道首輔申時行欲竄所不悅者十九人察典吏部尙書楊巍等依違其間國力持不可時行以御史馬允登資在國前乃起允登掌察而國佐之諸御史咸集允登書十九人姓名曰諸人可謂公論不容者矣國熟視叱曰諸人獨忤執政耳天日監臨何出此語允登意不回國怒奮前欲毆允登允登走國環柱逐之同列救解事聞兩人並調外國得四川副使移疾歸而十九人賴國以免久之起故官蒞山西改督河南學政遷山東參政所在以公廉稱召爲太僕少卿復出爲山西副使歷南京通政使三十七年以兵部右侍郎兼右僉都御史

巡撫保定歲凶屢上寬恤事宜大盜劉應第董世耀聚眾稱王剽劫遠近督兵討滅之進右都御史巡撫如故國剛介與弟吏部侍郎圖並負時望爲黨人所忌乞休歸卒

王學曾字唯吾南海人萬歷五年進士授醴陵知縣調崇陽擢南京御史時吏民有罪輒遣官校逮捕學曾疏請止之不納十三年慈寧宮成諸督工內侍俱廢錦衣學曾論其太濫且劾工部尙書楊兆誥諛中官兆煌恐引罪已言龍江關密邇蕪湖蕪湖已征稅龍江不宜復征格不行光山牛產一犢若麟有司欲以聞巡撫臧惟一不可帝命禮部徵之尙書沈鯉諫惟一亦疏論不聽學曾抗言麟生牛腹次日卽斃則祥者已不祥矣不祥之物所司未嘗上聞陛下何自聞之毋亦左右小人以奇怪惑聖心也今四方災旱老稚流離啼飢號寒之聲陛下不聞北敵梟張士卒

氏姓譜

卷六十五

七陽

王氏

六

困苦呻吟嗟怨之狀陛下不聞宗室貧窮饔餐弗給愁困涕洟之態陛下不聞而獨已斃之麟聞彼爲左右者豈誠忠于陛下乎願收還成命內臣語涉邪妄者卽嚴斥帝責其要名沽直降興國判官時御史蔡時鼎亦以言獲罪南京御史王藩臣給事中王嗣美等交章救兩人帝怒奪俸一級學曾屢遷南京刑部主事名爲光祿丞與少卿涂杰合疏爭三王並封忤旨皆削籍後數年吏部尙書蔡國珍疏請起用不納卒于家

王就學字所敬武進人萬歷十四年進士授戶部主事三王並封議起朝論大諱就學王錫爵門人也偕同年生錢允元往規之爲流涕會庶吉士李騰芳投錫爵書與就學語相類錫爵悟並封諂得寢就學改禮部進員外郎尋調吏部二十四年孝安陳太后梓宮發引帝嫡母也當送門

外以有疾遣官代行事部侍郎孫繼臯言之帝怒誅其疏于地就學抗疏曰人子于親惟送死爲大事今乃靳一攀送致聖孝不終豈獨有乖古禮卽聖心豈能自安于此而不用其情烏乎用其情于此而可忍烏乎不可忍恐難以宣諸詔諭書諸簡冊傳示天下萬世也疏奏不省踰二年詔甄別吏部諸郎斥就學爲民尋卒于家

王汝訓字師古聊城人隆慶五年進士除元城知縣萬歷初入爲刑部主事改兵部累遷光祿少卿吏部都給事中海寧陳與郊者大學士王錫爵門生又附申時行恣甚汝訓抗疏數其罪言與郊今日薦巡撫明日薦監司每疏一出受賄狼籍部曹吳正志一發其奸身投荒徼吏部尙書楊巍亦嘗語侍郎趙煥謂爲小人乞速罷黜且科道以言爲職乃默默者顯謬謬者絀直犯乘輿屢荷優容稍涉當

氏姓譜

卷八十五

七陽

王氏

七

塗旋遭擯斥言官不難于批鱗而難于借劍此何爲也天下惟公足以服人今言者不論是非被言者不論邪正橫稜兩可曲事調停而日務存大體是懲議論之紛紜而反致政體之決裂也乞特勅吏部自後遷轉科道毋惡異喜同毋好諛醜正是時巍以政府故方厚與郊聞汝訓言引已且刺之大恚言臣未嘗詆與郊汝訓以寺臣攻言路正決裂政體之大者乃調汝訓南京已汝訓入爲太常少卿孟秋饗廟帝不親行汝訓極諫帝愠甚以其言直不罪也尋進太僕卿調光祿汝訓先爲少卿寺中歲費二十萬至是濫增四萬有奇汝訓據會典請盡裁內府冗食不許二十二年改左僉都御史旋進右副都御史巡撫浙江汝訓性清介方嚴疾惡巡按御史南昌彭應參亦雅以強直各相與力鋤豪右烏程故尙書董份祭酒范應期里居不法

汝訓將繩之適應參行部至應期怨家千人遮道陳牒參持之急檄烏程知縣張應望按之應期乃自縊死其妻吳氏詣闕懇寃帝命逮應參應望俱詔獄草汝訓職詰吏部都察院任用非人尙書孫丕揚都御史衷貞吉等引罪且論救帝意未釋謫救應參者給事中喬允等于外言官訟汝訓應參亦及允帝愈怒疏入輒重允譴至除名而謫應望戍烟瘴應參爲民汝訓家居十五年起南京刑部右侍郎名改工部署部事初礦稅興以助大工爲名後悉輸內帑不以供營繕而四方採木之需多至千萬費益不訾汝訓屢請發帑佐工皆不報在部歲餘力清夙弊中官請乞輒執奏不予節冗費數萬卒贈工部尙書謚曰恭介

王德完字于醇廣安人萬歷十四年進士選庶吉士改兵科給事中西陞失事德完言諸邊歲糜餉數百萬而士氣

氏姓譜

卷八十五

七陽

王氏

元

日衰戎備日廢者以三蠹未除二策未審也何爲三蠹一曰欺邊吏罔上也二曰徇市賞增額也三曰虛邊防鮮實也何謂二策有目前之策有經久之策謹守誓盟苟免搏噬此計在目前大修戰具令賊不敢窺邊則百年可保無事此計在經久今經畧鄭洛主欵巡撫葉夢熊又言戰邊臣不協安望成功帝爲飭二臣石星爲本兵德完上十議以規時帝納之已請裁李成梁父子權劾禡黔國公沐昌祚冠服罷巡撫朱孟震賈待問郭四維少卿楊四知趙卿又發廣東總督劉繼文總兵官李棟等旨功罪半歲章數十上率軍國大計畧遷戶科都給事中上籌畫邊餉議再議封貢德完言封則必貢貢則必市是沈惟敬誤經畧經畧誤總督總督誤本兵本兵誤朝廷也後封果不成德完尋以疾歸二十八年起任工科極陳四川採木權稅及播

州用兵之患又言三殿未嘗不宜復興元殿龍舟之役皆不報已効湖廣稅使陳奉四大罪再疏極論謂奉必激變奉果爲楚人所攻僅以身免尋因禱雨言今出虎兕以噬羣黎縱盜賊而吞赤子幽憤沉結叩訴無從故雨澤緣天怒而屯螟蟊因人妖而出願盡撤礦稅之使釋逮繫之臣省愆贖過用弭災變不報四川妖人韓應龍奏請權監採木尋甸知府蔡如川趙州知州甘學書以忤稅使被逮德完皆力爭復劾山東稅使陳增畿輔稅使王虎罪不報已陳國計匱乏語極切至帝亦不省時帝寵鄭貴妃疏皇后及皇長子皇長子生母王恭妃幾殆而皇后亦多疾左右多竊意后崩貴妃卽正中宮位其子爲太子中允黃輝皇長子講官也從內侍微探得其狀謂德完曰此國家大事巨夕不測書之史冊謂朝廷無人德完乃屬輝具草十月

氏姓譜

卷八十五

七陽

王氏

元

上疏疏入帝震怒立下詔獄拷訊尙書李戴御史周盤等連疏論救忤旨切責御史奪俸廷杖百除其名復傳諭廷臣諸臣爲皇長子邪抑爲德完邪如爲皇長子慎無擾瀆必欲爲德完則再遲冊立一歲廷臣乃不復言然帝自是懼外廷議論眷禮中宮始終無間矣光宗立名爲太常少卿俄擢右僉都御史天啟元年京師獲間諜詞連司禮中官盧受德完請出受南京初德完直聲震天下及居大僚持論每與鄒元標等異楊鐫李如禎喪師論死廷臣急欲誅之德完乃上疏請酌公論或遣戍立功或卽時正辟蓋設兩途以俟帝寬之且因薦順天府丞邵輔忠通政參議吳殿邦以兩人嘗力攻李三才也疏出果寬鐫等于是給事中魏大中再疏論之德完亦力辨帝爲詰責大中事乃已德完尋進戶部右侍郎給事中朱欽相倪思輝言事獲

罪疏救之明年遷左亡何卒于官其後輔忠殿邦以黨逆
貶僉爲德完惜之云

王紀字惟理芮城人萬歷十七年進士授池州推官爲祠
祭主事歷儀制郎中秉禮持正時望蔚然二十九年帝將
冊立東宮數遷延不決紀抗疏極論其冬禮成擢光祿少
卿引疾去四十一年自太常少卿擢右僉都御史巡撫保
定諸府連歲水旱紀設法救荒甚備稅監張粵請征恩詔
已觸諸稅紀兩疏力爭粵竟取中旨行之紀劾粵抗違詔
書沮格成命皆不報居四年部內大治遷戶部右侍郎總
督漕運兼巡撫鳳陽諸府歲大凶振救如畿輔光宗立召
拜戶部尚書督倉塲天啟二年代黃克纘爲刑部尚書時
方會議紅丸事紀偕侍郎楊東明署議言方從哲知有貴
妃不知有君父李可灼進藥駕崩反慰以恩諭賚之銀幣

氏姓譜

卷十五

七陽

王氏

三

國典安在不逮可灼無以服天下不逮崔文昇無以服可
灼不削奪從哲官階祿廕無以洩天地神人之憤議出羣
情甚疎主事徐大化素無賴日走魏忠賢門構陷善類又
顯劾給事中周朝瑞惠世揚紀憤甚劾大化溺職狀大化
由此罷去而沈灌及忠賢深憾之御史楊維垣與大化有
連且素附灌遂助灌誣紀言所劾大臣無主名請令指實
紀遂直攻灌言灌與京生不同時而事實相類其結納魏
忠賢與京之契合童貫同也乞哀董羽宸與京之懇款陳
權同也要盟死友郇輔應孫杰與京之固結吳居厚同也
逐顧命元臣劉一燝周嘉謨與安置呂大防蘇軾同也斥
逐言官江秉謙熊德陽侯震賜與貶謫安常民任伯雨同
也至于賄交婦寺竊弄威權中旨頻傳而上不悟朝柄陰
握而下不知此又京迷國罔上百世合符者客魏聞之怒

爲淮泣愬帝前帝謂紀煩言加譙責焉初李維翰肅廷弼
王化貞下吏紀皆置之重辟而與都御史大理卿上廷弼
化貞爰書微露兩人有可矜狀而言不測特恩非法官所
敢輕議有干總杜茂者齋登萊巡撫陶朗先千金行募兵
金盡而兵未募不敢歸返薊州僧舍爲邏者所獲詞連佟
卜年卜年夔州同知未行經畧廷弼薦爲登萊監軍僉事
邏者榜掠茂言嘗客于卜年河間署中三月與言謀叛因
挾其二僕往通李永芳行邊尙書張鶴鳴以聞鶴鳴故與
廷弼有隙欲藉卜年以甚罪朝士皆知卜年寃莫敢言及
鎮撫旣成獄移刑部紀疑之以問諸曹郎員外郎顧大章
曰茂旣與二僕往來三千里乃拷訊垂斃終不知二僕姓
各其誣服何疑卜年雖非間謀然實佟養真族子流三千
里可也紀議從之邏者又獲奸細劉一嘯忠賢疑劉一嘯

氏姓譜

卷十五

七陽

王氏

三

昆弟欲立誅一嘯與卜年因一嘯以株連一嘯紀皆執不
可灌遂劾紀護廷弼緩卜年等獄爲二大罪帝責紀陳狀
遂斥爲民以侍郎楊東明署部事坐卜年流二千里外紀
旣斥大學士葉向高何宗彥史繼偕論救皆不聽後闖黨
羅織善類紀先卒乃免崇正元年復官贈少保廕一子諡
曰莊毅

王三善字彭伯永城人萬歷二十九年進士由荊州推官
入爲吏部主事齊楚浙三黨抨擊李三才三善自請單騎
行勘遂爲其黨所推歷考功文選郎中進太常少卿天啟
元年十月擢右僉都御史代李樞巡撫貴州時奢崇明已
陷重慶明年二月安邦彥亦反圍貴陽樞及巡按御史史
永安連章告急趨三善馳援三善始駐沅州調集兵食已
次鎮遠再次平越去貴陽百八十里方遣知府朱家民乞

兵四川兵未至不敢進疏請便宜從事給空名部牒得隨才委任帝悉報可至十二月朔知貴陽圍益困集衆計曰失城死法進援死敵等死耳盍死敵乎乃分兵爲三副使何天麟等從清水江進爲右部僉事楊世賞等從都勻進爲左部自將二萬人與參議向日升副總兵劉超參將楊明楷劉志敏孫元謨王建中等由中路當賊鋒舟次新安抵龍頭營超前鋒遇賊衆欲退斬二人乃定賊酋阿成驍勇超率部卒張良俊直前斬其頭賊衆披靡三善等大軍亦至遂奪龍里城諸將議駐師觀變三善不可策馬先邦彥疑三善有衆數十萬乃潛遁餘賊退屯龍洞官軍遂奪七里冲進兵畢節舖元模明楷連敗賊其渠安邦俊中礮死生獲邦彥弟阿倫遂抵貴陽城下賊解圍去檣永安請三善入城三善曰賊兵不遠我不可卽安營于南門外明

氏姓譜

卷十五

七陽

王氏

三

日破賊澤溪賊走渡陸廣河居數日左右二部兵及湖廣廣西四川援兵先後至三善以二萬人破賊十萬有輕敵心欲因糧于敵舉超爲總兵官合渡陸廣趨大方搗安位巢世賞監之總兵官張彥方渡鴨池搗邦彥巢以天麟監之漢土兵各三萬別將都司線補袞出黃沙渡尅期並進超等至陸廣連戰皆捷彥方部將秦民屏亦破賊五大寨諸將益輕敵邦彥先合崇明效良兵誘官軍深入三年正月官軍大敗明楷被執諸將姚旺等二十六人殲焉賊遂攻破鴨池軍部將軍宏化先逃諸營盡潰彥方退保威清惟補袞軍獨全諸苗見王師失利復蜂起遠近大震三善急遣游騎祁繼祖等取龍里王建中劉志敏救青巖繼祖燔上中下三牌及賊百五十砦建中亦燔賊四十八莊龍里定番路皆通三善又夜遣建中繼祖搗楚漢入姑蕩燔

莊岩二百餘薄而攻之賊溺死無算宋萬化不知吳楚漢
敗詐降三善佯許而令諸將捲甲趨之萬化倉皇出戰被
禽邦彥爲奪氣羣苗復效順三善給黃幟令樹營中邦彥
望見不敢出增兵守鴨池陸廣諸要害時崇明父子屢敗
邦彥救之爲川師敗走總理魯欽等勦禽中尉彥方亦追
賊鴨池而賊復乘間陷普安總督楊述中駐沅州畏賊朝
命屢趣始移鎮遠議與三善左三善屢求退不許會崇明
爲川師所窘逃入貴州龍場依邦彥三善議會師進討述
中暨諸將多持不可三善排羣議以閏十月自將六萬人
渡烏江次黑石連敗賊斬前逃將覃宏化以徇賊乃柵漆
山日遣游騎掠樵採者軍中乏食諸將請退師三善怒曰
汝曹欲退不如斬吾首詣賊降諸將乃不敢言三善募壯
士逼漆山緋衣峩冠肩輿張蓋自督陣語將士曰戰不捷

氏姓譜

卷十五

七陽

王氏

三

此卽吾致身處也旁一山頗峻麾左軍據其顛賊倉皇拔
柵爭山將士殊死戰賊大敗邦彥狼狽走三善渡渭河降
者相繼鮑抵大方入居安位第位借母奢杜輝走火灼堡
邦彥竄織金先所陷將楊明楷乃得還位窘遣使詣述中
請降述中令縛崇明父子自贖三善責并獻邦彥往返之
間賊得用計爲備三善以賊方平議郡縣其地諸苗及土
司咸惴恐益合于邦彥三善先約四川總兵官李維新滅
賊以餉乏辭三善屯大方久食盡述中弗爲援不得已議
退師四年正月盡焚大方廬舍而東賊躡之中軍參將王
建中副總兵秦民屏戰沒而陳其愚先詐降三善信之與
籌兵事故軍中虛實賊無不知至是遇賊其愚故縱轡衝
三善墜馬三善知有變急解印綬付家人拔刀自刎不殊
羣賊擁之去罵不屈遂遇害同知梁思泰主事田景猷等

四十餘人皆死賊拘監軍副使岳具仰要撫具仰遣人
蠟書于外被殺三善偶儻負氣多權畧家中州好交四方
奇士俠客後輒得其用以解圍功加兵部右侍郎後巡按
御史陸獻明請優卹所司格不行崇正改元贈兵部尚書
世蔭錦衣僉事立祠祭祀九年再叙解圍功贈太子少保
王允成字述文澤州人萬歷中舉于鄉除獲鹿知縣以治
行異等徵授南京御史時甲科勢重乙科多卑下之允成
體貌魁梧才氣颯發欲凌甲科出其上首疏論遼左失事
諸臣請正刑辟熹崇卽位廷臣方爭論梃擊移宮事而帝
降兩諭罪選侍因言移宮後相安狀大學士方從哲封還
上諭允成陳保治十事中言張差闖宮說者謂瘋癲青宮
豈發瘋之地龐保劉成豈竝瘋之人言念及此可爲寒心
今鄭氏四十年之恩威猶在卵翼心腹寔繁有徒陛下當

氏姓譜

卷十五

七陽

王氏

四

思所以防之比者聖諭多從中出當則開煬寵之端不當
而臣下爭執必成反汗之勢孰若事無大小盡歸內閣至
元輔方從哲屢劾不去陛下于選待移宮後發一勅諭不
過如常人表明心跡耳從哲輒封還夫封后之命都督之
命貳謫周朝瑞之命何皆不封還司馬昭之心路人知之
矣姚宗文閣視逸左與熊廷弼相失歸而鼓同列攻之允
成惡其奸再疏論列天啟元年疏請卹先朝直臣列楊天
民等三十六人以上帝納之俄陳任輔弼擇經畧慎中樞
專大帥更戎政嚴賞罰數事末言方今最可慮者陛下孤
立禁中先朝怙權恃寵諸奄與今日左右近習互相忌嫉
恐乘機肆毒彼此相戕夫防護禁庭責在內閣及司禮務
令潛消默化俾聖躬與皇弟並得高枕無憂斯爲根本至
計時臆其言已劾刑部尚書黃克纘倡言保護選侍貽誤

賈繼春又曲庇盜竇內侍至辨御史焦源溥綱常一疏刺
謬特甚已極論內降及留中之害末復規切閣部大臣忤
旨停俸給事中毛士龍劾府丞邵輔忠允成亦偕同官李
希孔斥輔忠已極言綱紀廢弛請戒姑息破因循指斥時
事甚悉當是時中貴劉朝魏進忠與乳媪客氏相倚爲奸
允成抗疏歷數其罪疏入進忠輩切齒允成復特疏論秦
府濫恩之謬帝終不省三年六月允成又劾進忠進忠益
恨明年趙南星爲吏部知允成賢調之于北未幾南星被
逐御史張訥劾南星調允成非法遂除名後給事中陳維
新復劾允成貪險詔撫按提問坐以贓私莊烈帝嗣位以
允成嘗請保護皇弟識其名名復故官未幾卒當天啟初
東林方盛其主張聯絡者率在言路允成居南與北相應
和時貴多畏其鋒然諤諤敢言屢犯近倖其風采足重云

氏姓譜

卷十五

七陽

王氏

五

王毓著字元趾會稽人爲諸生跌宕不羈已受業劉宗周
之門同門生咸非笑之杭州不守宗周絕粒未死毓著上
書曰願先生早自裁毋爲王爰午所弔俄一友來視毓著
曰子若何日有陶淵明故事在毓著曰不然吾輩聲色中
人慮久則難持也一日遍名故交歡飲伶人奏樂酒罷攜
燈出門投柳橋下先宗周一月死鄉人私諡正義先生

王洽字和仲臨邑人萬歷三十二年進士歷知東光任邱

服闋補長垣洽儀表頎偉危坐堂上吏民望之若神明其
廉能爲一方最擢吏部稽勲主事歷考功文選郎中天啟
初諸賢彙進洽有力焉遷太常少卿三年冬以右僉都御
史巡撫浙江洽本越南星所引及魏忠賢逐南星洽乞罷
不許五年四月御史李應公希忠賢指劾洽遂奪職閒住
崇正元年名拜工部右侍郎攝部事兵部尙書王在晉罷

帝名見羣臣奇洽狀貌卽擢任之上疏陳軍政十事曰嚴
債帥修武備核實兵衡將材核欺蔽懲股劬勤訓練釐積
蠹舉異才弭盜賊帝並褒納宣大總兵王象乾與大同巡
撫張宗衡爭插漢款戰事帝名諸大臣平臺詰問良久洽
及諸執政並主乾象策定款議尋上言祖宗養兵百萬不
費朝廷一錢屯田是也今遼東永平天津登萊沿海荒地
及寶坻香河豐潤玉田三河順義諸縣閒田百萬頃元虞
集有京東水田之議萬歷初總督張佳允巡撫張國彥行
之劄鎮爲豪右所阻其後巡撫汪應蛟復行之河間今已
墾者荒未墾者置不問遣天施地生之利而日講生財之
術爲養軍資不大失策乎乞勅諸道監司遵先朝七分防
操三分屯墾之制實心力行庶國計有裨軍食無缺帝稱
善卽命行之嘗奏汰年深武弁無薦者四十八人以邊才

氏姓譜

卷八十五

七陽

王氏

吳

舉監司楊嗣昌梁廷棟後皆大用二年十月我

大清兵由大安口入都城戒嚴洽急徵四方兵入衛督師
袁崇煥巡撫解經傳郭之琮總兵官祖大壽趙率教滿桂
等先後至不能拒

大清兵遂深入帝憂甚十一月名對廷臣侍郎周延儒言
本兵備禦疎忽調度乖張檢討項煜繼之且曰世宗斬一
丁汝襲將士震悚強敵宵遁帝頷之遂下洽獄以左侍郎
申用懋代明年四月洽竟瘐死尋論罪復坐大辟洽清修
伉直雅負時望而應變非其所長驟逢大故人多惜之

王績燦字偉奏安福人與給事中鄧英陳好吏私派之弊

又進賜環起廢容諫三說薦張鳳翔李邦華劉宗周惠世
揚遂獲罪卒福王時復官績燦以天啟五年舉進士授興
化知縣以治行高等擢崇正四年御史並有聲其宦官也

又以薦才不中與吳執御同論譴云

王道純字懷鞠蒲城人天啟五年進士授中書舍人崇正三年擢御史疏陳破資格之說言銓除舉劾考選甲乙科太低昂宜變通則賢才日廣帝命所司卽行而甲科勢重卒不能返流賊躡關中道純請振飢民毋使從賊報可已劾罷光祿卿蘇晉參政張爾基四年劾吏部尙書王永光當去者三不可留者四不納巡按山東其時李九成孔有德叛于吳橋南下道純移書巡撫余大成令討捕大成不信再促之遂托疾請告與登萊巡撫孫元化遣使招撫道純以爲非請勅二撫速勦及賊陷登州元化被繫大成猶主招撫道純憤抗疏力爭帝卽命道純監軍及徐從治代大成謝璉代元化並入萊州爲賊困在外調度止道純一人賊遣人僞乞撫道純焚書斬使馳疏言賊日以撫愚我

氏姓譜

卷十五

七陽

王氏

三

一撫而六城陷再撫而登州亡三撫而黃縣失今四撫而萊州被圍我軍屢挫安能復戰乞速發大軍拯此危土時周延儒熊明遇主撫議道純反被責讓明遇遣職方主事張國臣贊畫軍事國臣入賊中招諭賊佯許之攻圍如故及總督劉宇烈至進兵沙河道純與之俱宇烈中情怯頓兵不進日議撫尋棄軍奔道純復請速討不納迨巡撫謝璉被執帝震怒逮宇烈名道純還京而明遇亦罷去宇烈下吏引道純分過道純疏駁其所奏十餘事命所司并按又劾明遇國臣交通悞國十罪語侵延儒疏未下延儒洩之國臣國臣亦劾道純十罪道純遂並劾延儒帝皆不問已而賊平道純竟坐監軍溺職斥爲民十五年以廷臣薦將起用未果及李自成陷蒲城道純抗節死福王時贈卹王家彥字開美莆田人天啟二年進士開化知縣調蘭谿

擢刑科給事中彈擊權貴無所避崇正四年請釋大學士
錢龍錫于獄龍錫得減死請推行按月奏報例于四方獄
囚得無久淹閩海盜劉香擾郡邑撫鎮追勦多失利朝議
召募將大舉家彥言舊制衛所軍餼于官無別兵亦無別
將統于各衛之指揮寨設號船聯絡呼應又添設遊擊等
官雖支洋窮港戈船相望臣愚以今日策防海莫若復舊
制勤訓練練則衛所軍皆勁卒不練雖添設名募兵猶驅
市人而戰之糜餉擾民無益賊終不能盡時以爲名言奉
命巡青所條奏多議行尋以馬政日弛家彥極陳其弊請
改國初種馬及西番茶馬之制又班軍舊額十六萬後減
至七萬至是止二萬有奇更有建議盡征行糧月糧免其
番上者家彥時巡京營力陳不可且請免其工役盡歸行
伍帝皆褒納其言遵化鐵冶久廢奸民請開之家彥言有

氏姓譜

卷八十五

七陽

王氏

三

害無利復有請開開化雲霧山以興屯者亦以家彥言而
止屢遷戶科都給事中軍興餉誦總督盧象昇有因糧加
餉之議戶部尚書侯恂請于未被寇之地士大夫家賦銀
兩者加二錢民間五兩以上者兩加一錢家彥言民賦五
兩上者率百十家成一戶非富民不可以賤削軍食不足
畿輔山東河南江北名買米豆輸天津至九十餘萬石胥
吏侵耗率數十萬家彥請嚴治帝並採納焉憂歸十二年
起吏科都給事中流寇日熾緣墨吏陵民民益走爲盜盜
日多民生日感家彥上疏帝納之擢大理丞進本寺少卿
十五年遷太僕卿家彥向言馬政帝下兵部檄陝西督撫
未能行至是四疏帝手其疏語執政曰家彥奏皆善勅議
行然軍興方急不能盡舉也頃之擢戶部右侍郎都成被
兵命協理戎政卽日登陴閱視內外城十六門雪夜雋一

燈步巡城堞人無知者朔日校勤惰將士皆服爭自勵初分守阜成門後移安定門寢處城樓者半歲解嚴賜宴午門增秩一等十七年二月廷推戶部尚書帝曰戎政非家彥不可特留任賊逼京師襄城伯李國正督京營又命中官王德化蓋督內外軍國正發三大營軍城外守陣益少諸軍既出城見賊輒降降卒反攻城城上人皆其儕益無固志廷臣分門守家彥守安定門號令進止由中官沮諸臣毋得登城又縋叛監杜勳上與密約而去帝手勅兵部尚書張縉彥登城察視家彥從中官猶固拒示之手勅問勳安在曰去矣秦晉二王欲上城家彥曰二王降賊卽賊也賊安得上頓足哭借縉彥詣宮門請見不得入黎明城陷家彥投城下不死自縊于民舍遭賊焚殘其一臂僕收其餘體焉贈太子太保兵部尚書諡曰忠端

氏姓譜

卷十五

七陽

王氏

完

王章字漢臣武進人崇正元年進士授諸暨知縣少孤母訓之嚴及爲令祖帳歸少暮母訶跪予杖曰朝廷以百里授酒人乎章伏地不敢仰視親友爲力解乃已治諸暨有聲甫半歲以才調鄞縣諸暨民與鄞民爭挽章至相諱治鄞益有聲數注上考十一年行取入都時有考選翰林之命行取者爭奔競給事中陳啟新論之帝怒命吏部上訪冊罪廷臣濫徇者尙書姜逢元王業浩給事中傅元初御史禹好善等六人閒住給事中孫晉御史李右謙等三人降調給事中劉含輝御史劉興秀等十一人貶二秩視事吏部尙書田維嘉等乃請免推部曹凡推二十二人章與焉授工部主事章及任濬涂必泓李嗣京欲疏辨憚爲首獲罪李士淳者耄矣四人不告而首其名士淳知之懼且怒與章等大詬而帝知維嘉有私詔許與考又以爲首者

必良士也擢士淳編修章等皆御史章上疏請罷內揆覽
江南通賦明年出按甘肅持風紀飭邊防西部寇莊浪巡
撫急徵兵章曰貧寇索食耳策馬入其帳衆羅拜乞降乃
稍給之食兩河旱章檄城隍神御史受錢或戕害人神殛
御史毋虐民神血食茲土不能請上帝蘇一方當奏天子
易爾位檄焚雨犬注邊卒貸武弁金償以賊首武弁以冒
功坐是數名邊釁章著令非大舉毋得以零級冒功劾罷
巡撫劉鎬貪惰又所部十道監司劾罷其四母憂歸服闋
還朝巡視京營按籍額軍十一萬有奇喜曰兵至十萬猶
可爲也及閱視半死者餘冒伍憊甚矢折刀缺聞礮聲掩
耳馬未馳輒墮而可農缺餉半歲不發章屢疏請帑不報
踰月賊陷眞定京師大震襄城伯李國正發營卒五萬營
城外章與給事中光時亨守阜成門城內外堞凡十五萬

氏姓譜 卷十五

七陽 王氏 罕

四千有奇三堞一卒三月初登陴閱十日始一還邸櫛沐
易新衣冠家人大駭章不應賊傳城下章手發二礮賊少
却頃之各門礮聲絕時亨攝章走章厲聲曰事至此猶惜
死邪時亨曰死此與士卒何別入朝訪上所在不獲則死
死未晚也章從之與時亨並馬行俄賊突至呼下馬時亨
倉皇下馬跪章持鞭不顧叱曰吾視軍御史也誰敢犯賊
刺章股墮章罵曰逆賊勤王兵且至我死爾滅不旋踵矣
賊怒攢槊刺殺章而去抵暮家人覓屍猶一手據地坐張
口怒目勃勃如叱賊狀妻姜在籍聞之一慟而絕贈大理
寺卿諡曰忠烈

本朝賜諡節愍次子之棧仕閩爲職方主事亦死難焉

王漢字子房掖縣人崇正十年進士除高平知縣調河內

禽巨寇天壇山劉二又乘雪夜破妖僧智善夜半渡河破

賊楊六郎李自成圍開封漢然火金龍口柳林爲疑兵遣
死士入賊中聲言諸鎮兵來援各數十萬至矣賊聞則驚
走漢爲人負氣愛士人有一長嗟嘆之不容口僚屬紳士
陳民疾苦或言已過則瞿然下拜用兵士卒同甘若人樂
爲之死好用間賊中虛實莫不知攻天壇山賊山陡絕登
者輓以布漢持刀直上人服其勇時賊氛日熾帝每臨朝
而嘆漢前後破賊功降旨優叙十五年春以減俸行取入
都與蘇京王燮同名對稱旨命三臣皆以試御史監軍漢
監平賊鎮標楚蜀軍與督臣侯恂南援汴時兵部奏援勦
兵十萬十之四以屬京燮屬漢以其六漢所監凡五萬九
千然大半已潰散兵部空名使之漢乃自請立標營兵千
人騎二百報可乃簡保營兵百餘人募邯鄲鉅鹿壯士三
百人又取故治河內所練義兵及修武濟源素從征勦者

氏姓譜

卷八十五

七場

王氏

四

五百人及親故子弟合千人八月朔夜半襲賊范家灘斬
一紅巾賊日檄諸將合勦自走襄陽督左良玉兵救汴至
潼關有詔漢巡按河南時賊灌開封漢聞趣諸將自柳園
夜半渡河伏兵西岸檄卜從善等夾攻之斬首九十餘級
遂入汴大張旗鼓爲疑兵追賊至朱仙鎮連戰皆捷巡撫
高名衡謝病卽擢漢右僉都御史代之漢乃廣間諜收土
豪議屯田謀所以圖賊無何劉超反永城超永城人跋而
狡爲貴州總兵坐罪免上疏言兵計陳新甲用爲河南總
兵以私怨殺其鄉官御史魏景琦一家三十餘人懼罪遂
據城反漢上疏請討語洩超得爲備明年正月漢入永城
聲言招撫爲賊所殺遊擊馬魁負漢屍出面如生詔贈兵
部尙書廕錦衣世百戶建祠致祭旣而超伏誅傳首遼邊
王來聘京師人崇正四年中武會試時帝銳意重武舉千

運百斤大刀者止來聘及徐彥琦二人而彥琦不與選
下考官及監試御史獄悉貶兵部郎二十二人遣詞臣倪
元璐等覆閱取百人視文榜例分三甲傳臚錫宴以前三
十卷進呈欽定一甲三人來聘居首卽授副總兵武榜有
狀元自來聘始也來聘旣拜命泫然流涕曰上重武若此
欲吾儕效命疆場爾不捐軀殺賊何以報上恩明年孔有
德據登州叛官軍攻之久不下又明年二月以火藥轟城
城壞將士踴入輒爲賊擊退來聘復先登中傷而死天子
惜之贈廕有加

王世欽天將威子歷山海左部總兵官謝病去崇正八年
洪承疇起之家擊李自成有功卽謝歸十六年名對中左
門未及用而歸遂死于賊世國威弟保定總兵官繼子由
柳溝總兵官罷歸甫數日竟拒賊以死

氏姓譜

卷八十五

七陽

王氏

四

王道焜字昭平錢塘人以天啟元年舉于鄉崇正時爲南
平知縣遷南雄同知會光澤寇發其父老言非道焜不能
平撫按爲請詔改郟武同知知光澤縣事撫勦兼施境內
底定莊烈帝破格求賢盡徵天下賢能吏撫按以道焜名
聞方待命而都城陷徼服南還及杭州失守遂投縋死

王瑞樞字聖木永嘉人天啟五年進士授蘇州推官兼理
兌運軍民交兌恒相軋啟釁瑞樞調劑得宜歲省浮費三
萬金土官爲勒石著令貴人弟奸法執問如律其中之
當道將議調遂歸崇正七年起河間推官遷工部主事擢
湖廣兵備僉事駐襄陽十一年春張獻忠據穀城乞撫總
理熊文燦許之瑞樞以爲非計謀于巡按林銘球總兵官
左良玉將俟其至執之文燦固執以爲不可瑞樞言賊以
計愚我我不可爲所愚今良玉及諸將賈一選周仕鳳之

兵俱在近境誠合而擊之何患不捷文燦怒責以撓撫局
瑞柎曰賊未創而遽撫彼將無所懼惟示以必勦之勢乃
心折不敢貳非相撓實相成也文燦不從瑞柎乃列上從
征歸農解散三策文燦亦不用瑞柎自爲檄諭獻忠獻忠
恃文燦庇已不聽明年獻忠叛瑞柎先已丁憂歸獻忠留
書于壁言已之叛總理使然具列上官姓名及取賄月日
而題其末曰不納我金者王兵備一人耳由是瑞柎名大
著服闋未及用而都城陷福王時名爲太僕少卿極陳有
司虐民之狀旋告歸唐王名赴福建仍故官未幾復歸及
閩地盡失溫州亦不守避之山中有欲薦令出者乃拜辭
家廟從容入室自經死

王士和字萬育金谿人崇正中舉于鄉南京既覆江西亦
被兵士和避入閩授吏部司務疏陳時政關失凡數千言

氏姓譜

卷十五

七陽

王氏

三

唐王刊賜文武諸臣且名士和入對嘉獎備至擢兵部主
事未一月擢延平知府八月王走汀州留兵部侍郎曹履
泰偕士和居守俄警報疊至士和名父老曰吾雖一月郡
守當與城存亡若等可速出毋使數萬生靈盡膏斧鑕衆
泣士和亦泣退入內署謂友人曰吾一介書生數月而忝
三千石安敢偷生其友勸止之正色曰君子愛人以德姑
息何爲從容正衣冠閉戶投繯死

王養正字聖功泗州人崇正元年進士授海塩知縣遭父
喪服除起官秀水中大計補河南按察司照磨累遷南康
知府計殲巨寇進副使分巡建昌南都既覆

大兵下江西巡撫曠昭棄南昌遁走瑞州列城望風潰養
正乃與布政夏萬亨知府王域推官劉允浩南昌推官史
夏隆起兵拒守閱三日有客兵內應城卽破養正等被執

械至南昌與萬亨等同死其妻張氏聞之絕粒九日而死
王應龍字昭明崑山人受業于魏校篤好周禮謂周禮自
宋以後胡宏季本各著書指摘其瑕釁至數十萬言而余
壽翁吳澄則以冬官未嘗亡雜見于五官中而更次之近
世何喬新陳鳳梧舒芬亦各以己意更定然此皆諸儒之
周禮也覃研十數載先求聖人之心溯斯禮之源次考天
象之文原設官之意推五官離合之故見綱維統體之極
因顯以探微因細而繹大成周禮傳誥數十卷以爲百世
繼周而治必出于此嘉靖中家燬于兵燹流寓江西泰和
以其書就正羅洪先洪先大服翰林陳昌積以師禮事之
胡松撫江西刊行于世應龍又研精字學據說文所載譌
謬甚者爲之訂正名曰經學正譌又著同文備考書法指
要六義音切貫珠圖六義相關圖卒于泰和昌積爲經紀
氏姓譜

卷八十五

七陽 王氏

四

其喪歸之崑山

王源字啟澤龍巖人永樂二年擢進士授庶吉士改深澤
知縣修學舍築長隄勸民及時嫁娶革其爭財之俗數上
書論事被詔徵入都又論時政得失忤旨下吏會赦復官
奏免逋負歲飢輒發粟振救坐是被逮民爭先輸納得贖
還名爲春坊司直郎侍諸王講讀遷衛府紀善移松江同
知奏捐積逋數十萬石以母老乞歸養服闋除刑部郎中
英宗踐阼擇廷臣十一人爲矩府賜宴及勅乘傳行源得
潮州府城東有廣濟橋歲久半圯壞源歛民萬金重築之
以其餘建亭設先聖四配十哲像刻藍田呂氏鄉約擇民
爲約正約副約士講肄其中而時偕寮案董率焉西湖山
上有大石爲怪源命鑿之果獲石骷髏怪遂息乃作爲碑
天書潮州知府王源除怪石會杖一民死民于訴諸朝並

以築橋建亭爲源罪逮至京罪當贖徒潮人相率叩關乃復其官久之乞休潮人奏留不獲祠祀之

王問字子裕無錫人以學行稱嘉靖十七年成進士授戶部主事監徐州倉減羨耗十二三以父老乞便養改南京職方遷車駕郎中廣東僉事行未半道乞養歸父卒遂不復仕築室湖上讀書三十年不履城市數被薦不起工詩文書畫清雅尚士大夫皆慕之卒年八十門人私謚曰文靜先生

王鑑字汝明問子也嘉靖末年進士累官吏部稽勲郎中念父老謝病歸奉養不離側父沒久之進尚寶卿改南京鴻臚卿引年乞休進太僕卿致仕鑑亦善畫有言勝其父者遂終身不復作

王敬臣字以道長洲人江西參議庭子也十九爲諸生受

氏姓譜 卷六十五 七陽 王氏 聖

業于魏校性至孝父疽發背親自吮舐老得瘳眩疾則臥于榻下夜不解衣微聞警欬聲即躍起問安事繼母如事父妻失母歡不入室者十三載初受校黜成之旨嘗言議論不如著述著述不如躬行故居常杜口不談自見耿定向語以聖賢無獨成之學由是多所誘掖弟子從游者至四百餘人其學以慎獨爲先而指親長之際衽席之間爲慎獨之本猶以標立門戶爲戒鄉人尊爲少湖先生萬歷中以廷臣薦徵授國子博士辭不行詔以所授官致仕二十一年巡按御史甘仕价復薦吏部以敬臣年高請有司時加優禮詔可年八十五而終

王畿字汝中山陰人弱冠舉于鄉跌宕自喜後受業王守仁聞其言無底滯守仁大喜嘉靖五年舉進士與錢德洪並不就廷對歸守仁征思田留畿德洪主書院已奔守仁

表經紀喪事持心喪三年久之與德洪並第進士授南京兵部主事進郎中給事中戚賢等薦畿夏言以畿僞學奪賢職畿乃謝病歸畿嘗云學當致知見性而已應事有小過不足累故在官弗免于請以不謹斥畿既廢益務廣學足跡遍東南吳楚閩越皆有講舍年八十餘不肯已善談說能動人所至聽者雲集每講雜以禪機亦不自諱也學者稱龍谿先生

王良泰州人字汝止初名銀王守仁爲更名七歲受書鄉塾貧不能竟學父竈丁冬晨犯寒役于官良哭曰爲人子令父至此得爲人乎出代父役入定省惟謹良讀書止孝經論語大學信口談說中理解有客聞良言詫曰何類王中丞語良乃謁守仁江西與守仁辨久之大服拜爲弟子明日告之悔復就賓位自如已心折卒稱弟子從守仁歸

氏姓譜

卷十五

七陽

王氏

吳

里歎曰吾師倡明絕學何風之不廣也還家製小車北上所過招要人士告以守仁之道人聚觀者千百抵京師同門生駭異匿其車趣使返守仁聞之不悅良往謁拒不見長跪謝過乃已王氏弟子遍天下率都爵位有氣勢良以布衣抗其間聲名反出諸弟子上然良本狂士往往駕師說上之持論益高遠出入于二氏

王時槐字子植別號塘南安福人嘉靖二十六年進士授南京兵部主事歷禮部郎中福建僉事累官太僕少卿降光祿少卿隆慶末出爲陝西參政張居正柄國以京察罷歸萬歷中南贛巡撫張岳疏薦之吏部言六年京察祖制也若執政有所驅除非時一舉謂之閏察時槐在閏察中羣情不服請名時槐且永停閏察報可久之陸光祖掌銓起貴州參政旋擢南京鴻臚卿進太常皆不起時槐師同

聯劉文敏及仕逼質四方學者自謂終無所得年五十罷官反身實証始悟造化生之幾不隨念慮起滅學者欲識真幾當從慎獨入其論性曰孟子性善之說決不可易使性中本無仁義則惻隱羞惡更何從生且人應事接物如是則安不如是則不安非善而何又曰居敬窮理二者不可廢一要之居敬二字蓋之自居敬之精明了悟而言謂之窮理卽考索討論亦居敬中之一事敬無所不該敬外更無餘事也年八十四卒廬陵陳嘉謨字世顯與時槐同年進士專用力于學凡及其門者告之曰有塘南在可往師之塘南時槐別號也

王冕字元章諸暨人幼貧父使牧牛竊入學舍聽諸生誦書暮乃返亡其牛父怒撻之已而復然母曰兒癡如此曷不聽其所爲冕因去依僧寺夜坐佛膝上映長明燈讀書

氏姓譜

卷十五

七陽 王氏

四

會稽韓性聞而異之錄爲弟子遂稱通儒性率門人事冕如事性屢應舉不中棄去北游燕都客祕書卿泰不花家擬以館職薦力辭不就旣歸每大言天下將亂攜妻孥隱九里山樹梅千株桃杏半之自號梅花屋主善畫梅求者踵至以幅長短爲得米之差嘗做周官著書一卷曰持此遇明主伊呂事業不難致也太祖下婺州物色得之置幕府授諮議參軍一夕病卒

王逢字原吉江陰人至正中作河清頌臺臣薦之稱疾辭張士誠據吳其弟士德用逢策北降于元以拒明太祖滅士誠欲辟用之堅卧不起隱上海之烏涇歌咏自適洪武十五年以文學徵有司敦迫亘道時子掖爲通事司令以交年高叩頭泣請乃命吏部符止之又六年卒年七十有梧溪詩集七卷逢自稱席帽山人

王行字止仲吳縣人幼隨父依賣藥徐翁家徐媼好聽稗官小說行日記數本爲媼誦之媼喜言于翁授以論語明日悉成誦翁大異之俾盡讀家所有書遂淹貫經史百家言未弱冠謝去授徒齊門名士咸與交富人沈萬三延之家塾每文成酬白金鎰計行輒麾去曰使富而可守則然膾之慘不及矣洪武初有司延爲學校師已謝去隱于石湖其二子役于京行往視之涼國公藍玉館于家數薦之太祖得名見後玉誅行父子亦坐死始吳中用兵所在多列礮石自固行私語所知曰兵法柔能制剛若植大竹于地繫布其端礮石至布隨之低昂則人不能害而礮石無所用矣後常遇春取平江果如其法行亦自負知兵以及于禍云初高啟家北郭與行比鄰徐賁高遜志唐肅宋克余堯臣張羽呂敏陳則皆卜居相近號北郭十友又稱十

氏姓譜

卷八十五

七陽

王氏

吳

才子

王佐字彥舉先河東人元末待父官南雄經亂不能歸遂占籍南海與孫蕢結詩社構詞敏捷佐不如蕢句意沉著蕢不如佐何眞使佐掌書記參謀議眞歸朝佐亦還里洪武六年被薦徵爲給事中太祖賜宋濂黃馬復爲歌命侍臣屬和佐立成性不樂樞要將告歸時告者多獲重譴或罵之曰君少忍獨不虞性命邪佐乃遲徊二年卒乞骸歸王尚綱字錦夫剌縣人宏治進士官職方郎改吏部有聲出爲山西叅政年方壯卽三疏乞養不待報歸色養十五年服終起歷浙江右轄卒于官士民遮道泣送祀名宦時重其氣節政事文章云

王克封字伯圻定興人宏治乙丑進士歷戶部尚書

王絳字孟端無錫人博學工歌詩能書寫山水竹石妙絕

一時洪武中坐累戍朔州永樂初用薦以善書供事文淵閣久之除中書舍人絨未仕時與吳人韓奕爲友隱居九龍山遂自號九龍山人于書法動以古人自期畫不苟作游覽之頃酒酣握筆長廊素壁淋漓霑露酒有投金幣購片楮者輒拂袖起或閉門不納雖豪貴人勿顧也有諫之者絨曰丈夫宜審所處輕者如此重者將何以哉在京師月下聞簫聲乘興寫石竹圖明旦訪其人贈之則估客也客以紅氍毹餽請再寫一枝爲配絨索前畫裂之還其餽一日退朝黔國公沐晟從後呼其字絨不應同列語之曰此黔國公也絨曰我非不聞之是必與我索畫耳晟走及之果以畫請絨頷之而已踰數年晟復以書來絨始爲作書旣而曰我畫直遺黔公不可黔公客平仲微者我友也以友故與之俟黔公與求則可耳其高介絕俗如此

氏姓譜

卷八十五

七陽

兪

王維禎字允寧嘉靖十四年進士擢庶吉士累官南京國子祭酒家居地大震壓死維禎頥而誓自負經世才職文墨不得少效于世使酒謾罵人多畏而遠之于文好司馬遷于詩好杜甫而其意以李夢陽兼此二人終身所服膺者夢陽也

王圻字元翰上海人嘉靖四十四年進士除清江知縣調萬安擢御史忤時相出爲福建按察僉事謫邛州判官兩知進賢曹縣遷開州知州歷官陝西布政參議乞養歸築室松江之濱種梅萬樹曰梅花源以著書爲事年踰耄耄猶篝燈帳中丙夜不輟所撰續文獻通考諸書行世焉王廷陳字稗欽黃岡人父濟吏部郎中廷陳穎慧絕人幼好弄父扶之輒大呼曰大人奈何虐天下名士正德十二年成進士選庶吉士益恃才放恣故事兩學士爲館師禮

嚴重廷陳伺其退食獨上樹杪大聲呼兩學士無如之
何佯弗聞也武宗下詔南巡與同館舒芬等七人將疏諫
館師石瑄力止之廷陳賦烏母謠大書于壁以刺瑄及執
政皆不悅已而疏上帝怒罰跪五日杖于廷時已改吏科
給事中乃出爲裕州知州廷陳不習爲吏又失職怨望簿
牒堆案漫不省視夏日裸跣坐堂皇見飛鳥集庭樹輒止
訟者取彈彈之上官行部不出迎已布政使陳鳳梧及巡
按御史喻茂堅先後至廷陳以鳳梧座主特出迓鳳梧謂
曰子候我固善御史卽來候之當倍謹廷陳許諾及茂堅
至銜其素驕蹇有意裁抑之廷陳大罵直上堂搏茂堅悉
呼吏卒出鎖其門禁絕供億且將具奏茂堅大窘鳳梧爲
解乃夜馳去尋上疏劾之適裕人被案者逸出奏廷陳不
法事收捕繫獄削籍歸世宗踐阼前直諫被謫者悉復官

氏姓譜

卷八十五

七陽

王氏

辛

獨廷陳以呈吏議不與屏居二十餘年嗜酒縱倡樂益自
放廢士大夫造謁多蓬髮赤足不具賓主禮時衣紅紫窄
袖衫騎牛跨馬嘯歌田野間嘉靖十八年詔修承天大志
巡撫顧璘以廷陳及顏木王格薦書成不稱旨賜銀幣而
已廷陳才高詩文重當世一時才士鮮能過之

王慎中字道思晉江人四歲能誦詩十八舉嘉靖五年進
士授戶部主事尋改禮部祠祭司時四方名士唐順之陳
東等咸在部曹慎中與之講習學大進十三年詔簡部郎
爲翰林衆首擬慎中大學士張孚敬欲一見辭不起乃稍
移吏部爲考功員外郎進驗封郎中忌者讒之孚敬因履
議真人張衍慶請封疏謫常州通判稍遷戶部主事改江
西參議進河南參政侍郎王吳奉命振荒以其事委慎中
還朝薦慎中可重用會二十年大計吏部註慎中不及而

大學士夏言先嘗爲禮部尙書慎中其屬吏也與相忤遂
丙批不謹落其職慎中爲文初主秦漢爲東京下無可取
已悟歐會作文之法乃盡焚舊作一意師倣尤得力于曾
鞏順之初不服久亦變而從之壯年廢棄益肆力古文演
邈詳贍卓然成家與順之齊名天下稱之曰王唐又曰晉
江昆陵家居問業者踵至年五十一而終李攀龍王世貞
後起力排之卒不能掩攀龍慎中提學山東時所賞拔者
也慎中初號遵巖居士後號南江

王世貞字元美太倉人右都御史忬子也生有異稟書過
目終身不忘年十九舉嘉靖二十六年進士授刑部主事
世貞好爲詩古文官京師入王宗沐李先芳吳維岳等詩
社又與李攀龍宗臣梁有譽徐中行吳國倫輩相倡和紹
述何李名日益盛屢遷員外郎郎中奸人閭姓者犯法匿

氏姓譜

卷八十五

七陽

王氏

五

錦衣都督陸炳家世貞搜得之炳介嚴嵩以請不許楊繼
盛下吏時進湯藥其妻訟夫寃爲代草旣死復棺殮之嵩
大恨吏部兩擬提學皆不用爲青州兵備副使父忬以
灤河失事嵩搆之論死繫獄世貞解官奔赴與弟世懋日
匍伏嵩門涕泣求貸嵩陰持忬獄而時爲謾語以寬之兩
人又日囚服跪道旁遮諸貴人輿搏賴乞救諸貴人畏嵩
不敢言忬竟死西市兄弟哀號欲絕持喪歸蔬食三年不
入內寢旣除服猶却冠帶苴履葛巾不赴宴會隆慶元年
八月兄弟伏闕訟父寃言爲嵩所害大學士徐階左右之
復忬官世貞意不欲出會詔求直言疏陳法祖宗正殿名
廣思義寬禁例修典章撫德意昭爵賞練兵實八事以應
詔無何吏部用言官薦令以副使涖大名遷浙江右參政
山西按察使母憂歸服除補湖廣旋改廣西右布政使入

爲太僕卿萬歷二年九月以右副都御史撫治鄖陽數條
奏屯田戍守兵食事宜咸切大計有奸僧僞稱樂平王次
子奉高皇帝御容金牒行游天下世貞曰宗藩不得出城
而譙張如此必僞也捕訊之服辜張居正枋國以世貞同
年生有意引之世貞不甚親附所部荊州地震引京房占
謂臣道太盛坤維不寧用以諷居正居正婦弟辱江陵令
世貞論奏不少貸居正積不能堪會遷南京大理卿爲給
事中楊節所劾卽取旨罷之後起應天府尹復被劾罷居
正後起南京刑部右侍郎辭疾不起久之所善王錫爵秉
政起南京兵部右侍郎先是世貞爲副都御史及大理卿
應天尹與侍郎品皆正三世貞通理前俸得考滿廕子比
擢南京刑部尚書御史黃世榮言世貞先被劾不當計俸
據故事力爭世貞乃三疏移疾歸二十一年卒于家世貞

氏姓譜

卷八十五

七陽

王氏

五

始與李攀龍狎主文盟攀龍沒獨操柄二十年才最高地
望最顯聲華意氣籠蓋海內一時士大夫及山人詞客稱
子羽流莫不奔走門下片言褒賞聲價驟起其持論文必
西漢詩必盛唐大歷以後書勿讀而藻飭太甚晚年攻者
漸起世貞顧漸造平淡病亟時劉鳳往視見其手蘇子瞻
集諷翫不置也世貞自號鳳洲又號弇州山人

王世懋字敬美世貞弟嘉靖三十八年成進士卽遭父憂
父雪始遷南京禮部主事歷陝西福建提學副使再遷太
常少卿先世貞三年卒好學善詩文名亞其兄世貞力推
引之以爲勝已李攀龍汪道昆輩因稱爲少美

王穉登字伯毅長洲人四歲能屬對六歲善學窠大字十
歲能詩長益駿發有盛名嘉靖末遊京師客大學士袁燁
家燁試諸吉士紫牡丹詩不稱意命穉登爲之有警句燁

名數諸吉士曰君輩職文章能得王秀才一句刑弊薦之
朝不果隆慶初復遊京師徐階當國頗修恨于焯或勸焯
登弗名袁公客不從刻燕市客越二集備書其事吳中自
文徵明後風雅無定屬稱登嘗及徵明門遙接其風主詞
翰之席者三十餘年嘉靖萬歷間布衣山人以詩名者十
數余允文王叔承沈明臣輩尤爲世所稱然聲華烜赫稱
登爲最申時行以元老里居特相推重王世貞與同郡友
善顧不甚推之及世貞歿其仲子士驥坐事繫獄稱登爲
傾身救援人以其重其風義萬歷中詔修國史大學士趙
志臯輩薦稱登及其同邑魏學禮江都陸弼黃岡王一鳴
有詔徵用未上而史局罷卒年七十餘子留字亦房亦以
詩名

王叔承字承父吳江人少孤治經生業以好古謝去貧賚
氏姓譜 卷八十五 七陽 王氏 五

婦家爲婦翁所逐不予一錢乃攜婦歸奉母貧益甚入都
客大學士李春芳所性嗜酒春芳有所撰述見之往往卧
酒樓欠伸弗肯應久之乃謝歸太倉王錫爵其布衣交也
再詔會有三王並封之議叔承遺書數千言謂當引大義
以去就力爭不當依違兩端負主恩辜物望錫爵得書歎
服其詩極爲世貞兄弟所許卒于萬歷中

王惟儉字損仲祥符人萬歷二十三年進士授濰縣知縣
遷兵部職方主事三十年春遼東總兵官馬林以忤稅使
高淮被逮兵部尙書田樂等救之帝怒責職方不推代者
空司而逐惟儉亦削籍歸家居二十年光宗立起光祿丞
三遷大理少卿天啟三年八月擢右僉都御史巡撫山東
值徐鴻儒之亂民多逃亡遼人避難來者亦多失所惟儉
加意綏輯五年三月擢南京兵部右侍郎未赴入爲工部

右侍郎魏忠賢黨御史田景新劾之落職開任惟儉資敏
嗜學初被廢肆力經史百家苦宋史繁蕪手刪定自爲一
書好書畫古玩萬歷天啟間世所稱博物君子惟儉與董
其昌並而嘉興李日華亞之惟儉口多微詞好抨擊道學
人不能堪嘗與時輩議集徵漢書一事具悉本末指其腹
笑曰名下寧有虛土乎其自喜如此

王志堅字弱生崑山人父臨亨進士杭州知府志堅舉萬
歷三十八年進士授南京兵部主事遷員外郎郎中暇日
要同舍郎爲讀史社撰讀史商語遷貴州提學僉事不赴
乞侍養歸天啟二年起督浙江驛傳奔母喪歸崇正四年
復以僉事督湖廣學政禮部推爲學政第一六年卒于官
志堅少與李流芳同學爲詩文法唐宋名家通籍後卜居
吳門古南園杜門却埽肆志讀書先經後史先史後子集

氏姓譜

卷十五

七陽

王氏

五

其讀經先箋疏而後辨論讀史先證據而後發明讀子則
謂唐宋而後無子當取說家之有神經史者補之讀集則
定秦漢以後古文爲五編考覈唐宋碑志援史傳摭雜說
以參覈其事之同異文之純駁其于內典亦深辨之作詩
甚富自選止七十餘首

王愷字用和當塗人通經史爲元府吏太祖拔太平召爲
掾從下京口撫定新附民及建中書省用爲都事杭州苗
軍數萬降待命嚴州境愷馳諭之偕其帥至太祖克衢州
命總制軍民事愷增城浚濠置游擊軍籍丁壯得萬餘人
常遇春屯兵金華部將擾民愷械而撻諸市遇春讓愷愷
曰民者國之本槌一部將而民安將軍所樂聞也乃謝愷
時飢疫相仍愷出倉粟修惠濟局全活無算學校毀與孔
子家廟之在衢者並新之設博士弟子員士翕然悅服開

化馬宣江山楊明並爲亂先後討禽之遷左司郎中佐胡
大海治省事苗軍作亂害大海其帥多德愷欲擁之而西
愷正色曰吾守土義當死寧從賊邪遂並其子行殺之年
四十六愷善謀斷嘗白事未聽却立戶外抵暮不去太祖
出怪問之愷諫如初卒行其議後贈奉直大夫飛騎尉追
封當塗縣男

王綱字性常餘姚人有文武才善劉基嘗語曰老夫樂山
林異時得志勿以世緣累我洪武四年以基薦徵至京師
年七十齒髮神色如少壯太祖異之策以治道擢兵部郎
潮民弗靖除廣東參議督兵餉歎曰吾命盡此矣以書訣
家人攜子彥達行單舸往諭潮民叩首服罪還抵增城遇
海寇曹真截舟羅拜願得爲帥綱諭以禍福不從則奮罵
賊昇之去爲壇坐綱日拜請綱罵不絕聲遂遇害彥達年
氏姓譜

卷八十五

七陽

王氏

五

十六罵賊求死欲並殺之其首曰父忠于孝殺之不祥與
之食不顧令綴羊草裹父屍而出御史郭純以聞詔立廟
死所彥達以廕得官痛父終身不仕

王禕字子充義烏人幼敏慧及長身長嶽立屹有偉度師

柳貫黃潛遂以文章名世覩元政衰敝爲書七八千言上

時宰危素張起巖並薦不報隱青岩山著書名曰盛太祖

取婺州名見用爲中書省掾史征江西禕獻頌太祖喜曰

江南有二儒卿與宋濂耳學問之博卿不如濂才思之雄

濂不如卿太祖創禮賢館李文忠薦禕及許元王天錫名

賓館中旋授江南儒學提舉司校理累遷侍禮郎掌起居

注同知南康府事多惠政賜金帶寵之太祖將卽位名還

議禮坐事忤旨出爲漳州府通判洪武元年八月上疏言

祈天永命之要在忠厚以存心寬大以爲政法天道順人

心雷霆霜雪可暫不可常浙西旣平科斂當減太祖嘉納之然不能盡從也明年修元史命禕與濂爲總裁禕史事擅長裁煩剔穢力任筆削書成擢翰林待制同知制誥兼國史院編修官奉詔預教大本堂經明理達善開導名對殿廷必賜坐從容宴語未久奉使吐蕃未至召還五年正月議指諭雲南命禕齎詔往至則諭梁王亟宜奉版圖歸職方不然天討旦夕至王不聽館別室他日又諭曰朝廷以雲南百萬生靈不欲殲于鋒刃若恃險遠抗明命龍驤鷁旆會戰昆明悔無及矣梁王駭服卽爲改館會元遣脫脫斡徵餉脅王以危言必欲殺禕王不得已出禕見之脫脫欲屈禕禕叱曰天旣訖汝元命我朝實代之汝爇火餘燼敢與日月爭明邪且我與汝皆使也豈爲汝屈或勸脫脫曰王公素負重名不可害脫脫攘臂曰今雖孔聖義不得

氏姓譜

卷十五

七陽

王氏

五

存禕顧王曰汝殺我天兵繼至汝禍不旋踵矣遂遇害時十二月二十四日也梁王遣使致祭具衣冠歛之建文中禕子紳訟禕事詔贈翰林學士諡文節正統中改諡忠文成化中命建祠祀之

王紳字仲縉父禕死時年十三鞠于兄綬事母兄盡孝友長博學受業朱濂濂器之曰吾友不亡矣蜀獻王聘紳待以客禮紳啟王往雲南求父遺骸不獲卽死所致祭述滇南慟哭記以歸建文帝時用薦名爲國子博士預修太祖實錄獻大明饒歌鼓吹曲十二章與方孝孺友善卒于官王稔字叔豐紳子也師方孝孺孝孺被難與其友鄭珣輩潛收遺骸禍幾不測自是絕意仕進初紳痛父亡食不兼味稔守之不變居喪不飲酒不食肉者三年門人私諡曰

孝莊先生

王禎字維禎吉水人祖省死建文難成化初禎由國子生授夔州通判二年荆襄石和尚流劫至巫山督盜同知王某者怯不救禎面敷之卽代勒所部民兵晝夜行至則城已陷賊方聚山中禎擊殺其魁餘盡遁乃行縣撫傷殘招潰散久乃得還甫三日賊復劫大昌禎趣同知行不應指揮曹能柴成與同知比激禎曰公爲國出力肯復行乎禎卽請往兩人僞許相左右禎上馬挾二人與俱夾水陣旣渡兩人見賊卽走禎被圍半日誤入淖中賊執欲降之禎大罵賊怒斷其喉及右臂而死從行者奉節典史及步卒六百餘人皆死自死所至府三百餘里所乘馬奔歸血淋漓毛盡赤衆始知禎敗往覓屍面如生子廣鬻馬爲歸費王同知得馬不償直櫬旣行馬夜半哀鳴同知起視之馬驟前齧項擣其胸翼日嘔血死人稱爲義馬事聞贈禎僉

氏姓譜

卷十五

七陽

王氏

五

事錄一子

王祐爲廣昌知縣賊至民盡逃援兵又不至祐拔刀自刎其腹曰有城不能守何生爲左右奔奪其刀後援兵集賊稍退越七日復突至祐倉皇赴敵死之

王冕字服周洛陽人正德十二年進士除萬安知縣宸濠反長吏多奔竄冕募勇壯士得死士數千人從王守仁攻復南昌宸濠解安慶圍還救至鄱陽湖兩軍相拒濠盡出金帛犒士殊死戰官軍不利冕密白守仁以小艇實葦于中擬建昌人語就賊艦乘風舉火濠兵大驚遂潰敗焚溺死者無算濠易舟挾官人遁冕步卒棹漁舟追執之宸濠平守仁封新建伯而冕未及叙坐他事落職旣而錄前功擢兵部主事巡視山海關嘉靖三年十二月遼東妖賊陸雄李真等作亂突入關侍吏欲扶冕趨避冕不可曰吾有

親在急趨母所執兵以備賊至母被傷免奮前救之被執脅以刃大罵遂見害詔贈光祿少卿有司祠祀

王鈇字德威順天人嘉靖二十九年進士授常熟知縣濱海多大猾匿亡命作奸鈇悉貫其罪倭患起鈇語諸猾曰何以報我咸請効死于是立者長部署于弟得數百人合防卒訓練縣故無城鈇率士卒城之倭來薄數禦却之已自三文浦分掠常熟江陰參政任環令鈇與指揮孔燾分統官兵三千破其寨斬首百五十有奇焚二十七艘餘倭皆遁復掠旁縣將由尚湖還海鈇憤曰賊尙敢涉吾地邪必擊殺之乃用小艇數十躡倭夾擊之隘中獨者長數人從皆力鬪死鈇陷淖瞑目大呼腹中刃死時三十四年五月也贈太僕少卿廕錦衣世百戶遣官諭祭立祠死所歲時奉祀

氏姓譜

卷十五

七陽

王氏

五

王德字汝修永嘉人嘉靖十七年進士歷戶科給事中定國公徐延德丐無極諸縣閒田爲業且言私置莊田不宜以災傷免賦德抗疏劾之俺答圍都成屢陳軍國便宜悉報可時城門盡閉避難者不得入號呼徹西內德以爲言民始獲入寇退命募兵山東所得悉驍勇爲諸道最還朝會李默長吏部怒德投刺倨出爲嶺南兵備僉事與巡撫爭事投劾徑歸默復起吏部用前恨落職間住德鄉居以倭亂奉母居城中傾貲募健兒爲保障計三十七年夏倭自梅頭至大掠德偕族父浦督義兵擊之宵遁俄一舟突來犯浦及族弟崇堯崇修殲焉亡何倭復至大掠德憤怒勒所部追襲至龍灣軍敗手射殺數人罵賊死然倭自是不敢越德鄉侵郡城矣事聞贈太僕少卿世廕錦衣百戶立祠曰愍忠浦贈太僕丞立祠于廕

王羣地字亦資蘭谿人崇正四年進士除刑部主事賊御史初流賊破鳳陽疏言兵驕將悍之弊請假督撫重權大將犯軍令者便宜行戮得旨申飭而已出巡山海居庸二關九年七月

大清兵入喜峰口肇坤激衆往禦不敵退保昌平被圍與守陵太監王希忠總兵官巢丕昌戶部主事王一桂趙悅攝知州事保定通判王禹佐分門守有降丁二十爲內應城遂破肇坤被四矢兩刃而死丕昌出降一桂悅禹佐希忠等皆死之禹佐子亦從父死事聞贈肇坤大理卿子祭葬官一子餘贈卹如制

王一桂黃岡舉人督餉昌平以南城最衝身往扼之俄西城失守被執死妻妾子女暨家衆二十七人悉赴井死事聞贈太僕少卿廕子祭葬

氏姓譜

卷八十五

七陽

王氏

五

王信陝西寧州人父沒廬墓三年母沒信年已六十足不踰闕者三年崇正初由歲貢生除靈壁訓導遷眞陽知縣八年二月出撫土寇會流賊猝至被執使諭降羅山眞陽信大罵不從斷頭剖腹而死閱四日其子來覓猶舒指握子手贈光祿丞建祠奉祀

王國訓字振之解州人天啟二年進士歷知金鄉壽張潞陽武清坐大計久之補調扶風國訓性剛嚴恥于進故官久不遷崇正八年賊來犯偕主部夏建忠典史陳紹南教諭張宏綱訓導陳繻嬰城固守閱兩月外援不至城陷罵賊死建忠等亦不屈死贈國訓光祿少卿建忠等皆贈卹王燾字濬仲崑山人少孤貧九歲爲人後族人謀其產者燾舉以讓之迎養嗣祖母及母惟謹萬歷末舉于鄉由教諭歷隨州知州州經羣盜焚掠戶不滿千燾訓民兵繕

守具土寇李良喬爲亂殲滅之十年正月大賊奄至壽且守且戰擊斬三百餘人賊攻益力相持二十餘日天大風雪守者多散燾知必敗入署整冠帶自經賊焚其署火獨不及燾死所屍直立不仆賊望見駭走已覓州印得之燾所立尺土下事聞贈太常少卿福王時賜諡烈愍建雙忠祠與同邑蔡懋德並祀

王世琇字崑良清苑人崇正十年進士授歸德推官遷工部主事十五年二月李自成陷陳州乘勝犯歸德世琇將行僚屬邀共守慨然曰久官其地臨難而去之非誼也遂與同知顏則孔商邱知縣梁以樟等誓衆堅守賊攻圍七日總督侯恂家商邱其子方夏率家衆斬闕出傷守者衆遂亂賊乘之入世琇遂遇害

王孫蘭字晚仲無錫人崇正四年進士累遷成都知府蜀

氏姓譜

卷八十五

七陽

王氏

李

宗人虐民民相聚將焚內江王第孫蘭撫諭之乃解父憂服闋起官紹興修荒政遷廣東副使分巡南雄韶州二府連州猺賊爲亂馳勦三戰皆捷十六年張獻忠大亂湖南湖南之郴州宜章與韶接壤孫蘭乞援督府不應最後以七百人至一宿復調去及賊陷衡州肆屠戮韶所轄樂昌乳源仁化連竄一空連州守將先據城叛韶士民聞之空城逃而賊所設僞官傳檄將至孫蘭仰天歎曰失封疆當死賊陷城又當死吾盍先死乎遂自縊旣死賊竟不至朝廷憫其忠予贈卹

王家錄黃岡人舉于鄉時已擢闕南兵備僉事未行與任協守圍急男子皆乘城家錄令婦人運水灌城冰厚數寸賊不能攻及城陷家錄自到死

王徵後字夢卜陽城人天啟五年進士授韓城知縣崇正

初流賊來犯禦却之坐大計請歸德照磨巡按御史李日
宣薦于朝給事中呂黃鐘請用天下必不可少之人亦及
徵俊累官右參政分守寧前以憂歸十七年二月賊陷陽
城被執不屈繫之獄士民爭頌其德賊乃釋之抵家北面
再拜投環卒

王喬棟雄縣人舉進士授朝邑知縣縣人王之宗爲魏忠
賢黨所惡坐以颺下喬棟嚴徵喬棟不忍封印于庫而去
巡撫怒將劾之士民擁署號呼乃止崇正初起順天教授
累遷湖廣參政楚中大亂諸道監司多不至喬棟兼轄數
篆乙酉夏李自成據武昌喬棟時駐興國州城爲賊陷自
經城樓上

王勵精蒲城人崇正中由選貢生授廣西府通判仁恕善
其獄歲凶毀銀帶易粟減價糶富人聞之爭出粟價遂平

氏姓譜

卷十五

七陽

王氏

六

遷崇慶知州多善政十七年張獻忠陷成都州人驚竄勵
精朝服北面拜又西向拜父母從容操筆書文信國成仁
取義四語于壁登樓縛利刃柱間而置火藥樓下危坐以
俟俄聞賊騎渡江卽命舉火火發觸刃貫胸而死賊歎其
忠歛葬之其墨迹久逾新滌之不滅後二十餘年州人建
祠奉祀祀甫畢壁卽頽遠近歎異

王澄字德輝浦江人歲儉出粟貸人不取其息有鬻產者
必增直以足之慕義門鄭氏風將終集子孫誨之曰汝曹
能合食同居如鄭氏吾死日瞑矣子孫咸拜受教澄生三
子子覺子麟子偉克成父志子覺生應卽爲鄭提所舉擢
參議者子偉生懃卽與鄭濟並擢庶子者義門王氏之名
遂埒鄭氏

王俊成武人父爲順天府知事母卒于官舍俊扶柩還葬

刈草萊爲萑舍窺處墜側野火延蕪將及俊叩頭慟哭火及塋樹而止正統三年被旌

王原文安人正德中父珣以家貧役重逃去原稍長問父所在母告以故原大悲慟乃設肆于邑治之衢治酒食舍諸行旅遇遠方客至則告以父姓名年貌冀得父踪跡久之無所得既娶婦月餘跪告母曰兒將尋父母泣曰汝父去二十餘載存亡不可知且若父毗耳流落何所誰知名者無爲父子相繼作羈鬼使我無依原痛哭曰幸有婦陪母母無以兒爲念兒不得父不歸也號泣辭母去遍歷山東南北去來者數年一日渡海至田橫島假寐神祠中夢至一寺當午炊菘和肉羹食之一老父至驚覺原告之夢請占之老父曰若何爲者曰尋父老父曰午者正南位也莎根附子肉和之附子膾也求諸南方父子其會乎原喜

氏姓譜

卷十五

七陽 王氏

六

謝去而南踰洛漳至輝縣帶山有寺曰夢覺原心動天雨雪寒甚卧寺門外及曙一僧啟門出駭曰汝何人曰文安人尋父而來曰識之乎曰不識也引入禪堂憐而予之粥珣方執爨竈下僧素知爲文安人謂之曰若同里有少年來尋父者若倘識其人珣出見原皆不相識問其父姓名則王珣也珣亦呼原乳名相抱持痛哭寺僧莫不感動珣曰歸告汝母我無顏復歸故鄉矣原曰父不歸兒有死耳牽衣哭不止寺僧力勸之父子相持歸夫妻子母復聚後原子孫多仕宦者

王在復太倉人年二十一從父讀書城外倭寇入犯父子

亟奔入城父體肥不能速行中道遇賊遂相失在復走二里許展轉尋父聞父被執急趨賊所叩頭求免賊不聽拔刀擬其父在復以身蔽之痛哭哀求賊怒並殺之兩首墜

地而手猶抱父不釋云

王鐸隨父顯避賊顯被執將殺之鐸亟趨前請代賊遂殺鐸而釋顯

王世名字時望武義人父良與族于俊同居爭屋為俊毆死世各年十七恐殘父屍不忍就理乃佯聽其輪田議和凡田所入輒易價封識俊有所餽亦佯受之而潛繪父像懸密室繪已像于旁帶刀侍朝夕泣拜且購一刃銘報仇二字母妻不也服闋為諸生及生子數月謂母妻曰吾已有後可以死矣一日俊自外醉歸世名挺刃迎擊之立斃出號于眾入白母即取前封識者詣吏請死時萬歷九年二月去父死六年矣知縣陳其曰此孝子也不可置獄別館之而上其事于府府檄金華知縣汪大受來訊世名請死大受曰檢屍有傷爾可無死曰吾惟不忍殘父屍以

氏姓譜

卷今五

七陽

王氏

三

至今日不然何待六年乞放歸辭母乃就死許之歸母迎而泣世名曰身者父之遺也以父之遺為父死雖離母得從父矣何恨頃之大受至縣人奔走直世名者以干計大受乃令人舁致父棺將開視之世名大慟以頭觸堦石血流殷地大受及旁觀者咸為隕涕乃令舁柩去將自上官免檢屍以全孝子世名曰此非法也非法無君何以生為遂不食而死妻俞氏撫孤三載自縊以殉旌其門曰孝烈王履字安道崑山人學醫于金華朱彥修盡得其術嘗謂張仲景傷寒論為諸家祖後人不能出其範圍且素問云傷寒為病熱言常不言變至仲景始分寒熱然義猶未盡乃備常與變作傷寒立法考又謂陽明篇無目痛少陰篇言胸背滿不言痛太陰篇無噎乾厥陰篇無囊縮必有脫簡乃取三百九十七法去其重複者二百三十八條復增

益之仍爲三百九十七法極論內外傷經旨異同並中風
中暑辨名曰沂泗集凡二十一篇又著百病鈞元二十卷
醫韻統一百卷醫家宗之履工詩文兼善繪事嘗遊華山
絕頂作圖四十幅記四篇詩一百五十首爲時所稱自滑
壽以下五人皆生于元至明初始卒

王綸字汝言慈谿人舉進士正德中以右副都御史巡撫
湖廣精于醫治疾無不立效有本草集要名醫雜著行世
王鎮字克安上元人憲宗純皇后父也成化初授金吾左
衛指揮使未幾后將正位中宮拜中軍都督同知四年進
右都督鎮爲人厚重清謹雖榮寵不改其素有長者稱十
年六月卒宏治五年追封阜國公諡康穆子三人源清濬
王安雄縣人初隸馮保名下萬歷二十二年陳矩薦于帝
命爲皇長子伴讀時鄭貴妃謀立己子數使人撫皇長子

氏姓譜

卷八十五

七陽

王氏

裔

遇安善調護貴妃無所得挺擊事起貴妃心懼安爲太子
屬草下令旨釋羣臣疑以安貴妃帝大悅光宗卽位擢司
禮秉筆太監遇之甚厚安用其客中書舍人汪文言言勸
帝行諸善政發帑金濟邊起用直臣鄒元標王德完等中
外翕然稱賢大學士劉一燝給事中楊漣御史左光斗等
皆重之初西宮李選侍恃寵陵熹宗生母王才人安內忝
不平及光宗崩選侍與心腹閹李進忠等謀挾皇長子自
重安發其謀于漣漣偕一燝等入臨安紿選侍抱皇長子
出擇吉卽位選侍移別宮去熹宗心德安言無不納安爲
人剛直而疎又善病不能數見帝魏忠賢始進自結于安
名下魏朝朝日夕譽忠賢安信之及安怒朝與忠賢爭客
氏也朝朝退而忠賢客氏日得志忌安甚天啟元年五月
帝命安掌司禮監安以故事辭客氏勸帝從其請與忠賢

謀殺之忠賢猶豫未忍容氏曰爾我孰若西李而欲遺忠
邪忠賢意乃決喉給事中霍維華論安降充南海子淨軍
而以劉朝爲南海子提督使殺安劉朝者李選侍私闕故
以移官益庫下獄宥出者既至絕安食安取籬落中蘆蕪
嚼之三日猶不死乃撲殺之安死二年忠賢遂誣東林諸
人與安交通興大獄清流之禍烈矣莊烈帝立賜祠額曰
昭忠

王承恩太監曹化淳名下也累官司禮秉筆太監崇正十
七年三月李自成犯闕帝命承恩提督京營時事勢已去
城陣守卒寥寥賊架飛機攻西直平則德勝三門承恩見
賊攻牆急發礮擊之連斃數人而諸璫泄泄自如帝召承
恩令亟整內官備親征夜分內城陷天將曙帝崩于壽皇
亭承恩卽自縊其下福王時諡忠愍

氏姓譜

卷十五

七陽

王氏

壹

本朝賜地六十畝建祠立碑旌其忠附葬故主陵側

王絳原字復初自幼嗜學治毛詩刻意吟詠伯仲五人值
元季兵興經亂離家以傾廢絳原惟守淡苦諸弟欲求分
異以自便絳原不能已推產與之惟取先世墓田以供祭
祀及海內平于所居之旁闢一軒扁曰明讀與常所往來
餽咏自娛洒然無世累有畊讀集傳于家

王士寧生元至正甲辰至成化癸卯年百有二十士寧少
慕養生不受室飲酒食肉走蜀入雪山投見一老人披氈
衣卧深洞中石牀上長三尺餘耳目口鼻手足皆類小兒
士寧頓首拜不答因執役左右老人不飲食坐側懸一囊
中類乾麩飢輒取啖渴手掬飲礮水一二升士寧飢跪乞
食老人與囊中物苦澁不能下咽士寧捨啖山果野菜居
三年老人憐之忽曰吾語子術子識之宜出山非其人莫

覆土算出雪山後事不可知其在濟寧居城東溪巷敗居
中已六十年濟寧人竊旁伺士寧久絕火食惟日啖棗數
枚或棗數莖飲水少許人餽遺輒不肯受濟寧指揮王宣
者海州人往見士寧駭曰吾上世有叔祖士寧好道棄家
去竟不知所終翁得無是扣家事皆合宣因日與往來成
化七年朝廷下山東徵士寧俾乘安車來楊文懿公道濟
造士寧問但曰靜坐寡慾坐久瞑目閉息曰我老無能朝
延過聽名我我未聞道但習靜已久近乃日與人接大敗
吾事文懿因問元末國初事曰一身之外百無所知
王撰祥符人仕元爲國子助教洪武初召授翰林修撰兼
編修官命于大本堂授經遷侍制致仕子宏爲龍江遞運
所官爲丞相胡爲庸家人所愬寘于法惟庸敗名撰父子
至京慰勞賜綺帛給舟車還家

氏姓譜

卷十五

七陽

王氏

奕

王褒字中美閩縣人洪武中由國子生領應天府鄉試歷
瑞州長沙兩學教授遷永豐知縣首革徭役不均之弊蝗
嘗爲災褒禱于城隍數日境內蝗皆死政暇輒蒞學課諸
生所業親爲講解永樂中朝京師與修高廟實錄陞翰林
修撰又修永樂大典爲總裁官改漢府紀善卒褒性孝友
與人交重氣義博涉羣書有養靜齋集行于世

王耕字舜耕單縣人永樂中知山陰貞介練達時中官鄭
和下西洋索寶玉道所經輒入人家探囊發篋遠近騷動
耕言邑產布粟寶玉非出也和遂去

王琦字文進錢塘人永樂鄉貢試禮部副榜授汝州學正
擢監察御史以學行老成稱陞山西按察僉事錫璽書提
督學校士風丕變改四川不樂乞致仕歸年五十琦以出
介自詩在官門無私謁生平不治生產居閑陶如值歲大

假無以爲朝夕冬且暮大雪日僵僵不能出門戶于餽非
故舊拒不受卽故舊數餽亦却之有唁之曰當路甚重公
舉一言何所不濟無乃自苦如此琦曰吾求無所愧于心
耳無所愧雖飢且寒無不樂也何唁之有竟以飢寒卒杭
守胡濬聞而弔之告于布按二司奉祀琦于杭學鄉賢祠
王綱定遠人性至孝母病躬侍湯藥母沒哀毀水漿不入
口三日旣葬不茹葷飲酒廬墓三年事聞旌其門曰孝行
王敷字嘉論歷城人成化甲辰進士第二授翰林編修諫
荆夷陵陞四川僉事河南提學副使終南京國子祭酒博
極羣書尤善風角習堪輿推驗多中所著有五經通旨漫
遊雲芝諸稿大成樂譜

王龍字舜夫泉人幼穎異長而風神俊逸倜儻不羈正德
丁丑進士官工部督泉濟上改刑部副郎擢山東臬僉以
民姓譜

卷十五

七陽

王氏

李

疾歸卒年纔三十有六有彭衛集

王賢永樂中順天府尹府故以柴炭夫役爲民病與工部
力辨遂爲減其十之七時中貴怙寵有縱其下非法凌虐
府屬者賢執之奏寘于法一時京兆肅然

王珪合肥人慷慨有大志少爲淮西廉訪司隸卒見官長
儀衛尊崇輒慨然嘆曰將相無種在人爲耳元末兵亂募
集鄉民守廬州自稱萬戶尋來歸從征渡江克復太平仍
命爲萬戶守之積功陞右軍都督僉事

王珮望江人成化間進士歷吏科都給事中多所建白嘗
抗言內寵滋甚詞氣激切又劾倖進者若干人降黜有差
京城地震上疏譴權貴或危之珮曰苟有利于國死生非
所計也陞湖廣布政司右參政致仕卒

王士謙宣城人學優純行洪武間聘爲儒學訓導經其門

者多朋造就後應名預修永樂大典號竹西翁著有詩集
王著涇縣人洪武間任浙江按察司經歷廉能著稱嘗巡
溫州州久旱著禱雨輒應慈谿虎爲害著誠心禱神虎盡
自斃而民遂寧後累陞雲南按察使副使

王釐鄱陽人自少穎敏博學能文洪武初以明經授鄱陽
教諭多造就人才名爲翰林院編修與修國史每備顧問
奏對稱旨嘗患頭風上以所御藥酒賜飲之遂愈後乞外
補命知南陽府有善政以疾卒著羣英雜言詩粹若干卷
于達無錫人洪武初以明經舉任本縣訓導薦陞國子助
教永樂初擢翰林編修預修實錄陞侍讀學士性簡淡博
通經史著耐軒集天游稿詩書心法易經選註桂林機要
王沂俱之子成化乙未進士累官副都御史沂方著時母
吳溺于北河號慟人不能堪每舟過溺處大慟幾絕歷官

氏姓譜

卷十五

七陽

王氏

六

三十年勤慎端方如一日

王璉長山人器局沉凝學問精密師事宋濂洪武中鄉舉
至京名見試詩擢史館編修選入文華堂肄業尋攝御史
按河南回奏稱旨上悅謂近臣曰文華堂諸生如王璉等
皆異日將相才也

王允歷城人少孤勵志讀書正統中登進士官重左布政
使事母克盡孝所至以清潔稱母率廬墓哀毀景泰三年
有司上其母貞節允孝行兩旌表之

王士嘉武城人永樂初由國子生選任知縣歷官工部員
外郎中宣德中以才識老成薦陞陝西布政司參政清譽
大振正統初名爲禮部侍郎後年老致仕卒年八十餘爲
人端重詳雅作事一毫不苟踐履篤實爲士大夫所推許
王中登封人家業農未嘗知書性至孝母沒廬三年身被

哀麻日食鹽粥旦夕哭奠未嘗櫛髮易衣墓側無水浚井
四丈餘不得泉中環井再拜願天泉乃湧出鄉里以爲孝
誠所感洪武間表其門

王士能性純孝父染疾躬奉湯藥寢食俱廢比亡哀毀踰
禮廬墓終制還家事母尤篤事聞詔旌表之

王義成化間任秦寧訓導邑故僻壤士鮮向學義每日夙
興正衣冠坐齋中隨諸材質高下授之學講經至有要義
必懇懇爲之言欲其體諸身而見諸行不徒爲科舉之學
而已也諸生乃幡然改觀至絃誦之聲聞于遐邇去任諸
生白于當道者爲樹表于學宮之傍榜曰遺教

王業高以父蔭授吉安所副千戶嘗扈蹕從征功陞正千
戶正統己巳調征浙寇于丁公崖遇敵死戰授孤勢窮猶
手刃數十人死之其孫莊剛果有謀畧嘗平湯存文于萬

氏姓譜

卷八十五

七陽 王氏

充

安磯金耀于永豐擒周天鑾于梅花洞正德庚午從征姚
源拔所佩刀指天劃地誓不與賊俱生領兵至鼓樓鋪斬
獲甚衆進屯梁山師失利指揮徐麟等下馬先遁莊直前
死戰賊勢將卻援兵不至力殫死之事聞官其孫爲指揮
以酬其功云

王惠其先合肥人徙瓊山從趙謙學博學能文洪武末大
臣薦至京以三喪未舉力辭歸隱著有截山詠史等詩集
王槩廬陵人正統壬戌進士由主事歷藩臬兩司所至罔
圉空虛天順初被誣下獄時襄王入朝上以官吏賢否問
首稱槩以對即日宥還尋陞都察院右副都御史巡撫陝
西設法救荒還定流浦改大理擢陞刑部尚書疏陳時政
十事上嘉納焉卒諡恭毅子臣進士官翰林
王侁永福人洪武中爲國子生永樂中授翰林檢討進講

經筵修大典爲總裁官爲人氣節高勁議論英發詩有唐人風文章雄偉去博深爲學士解縉所知所著有虛舟集王克復福清人天順丁丑進士歷官江西右布政使行部風采凜然善發奸伏人目之曰王燈籠終南京吏部侍郎王天興正德間寧都知縣居官廉勤大有德政豪強不敢肆凌至市俗賭博者悉爲所化值逆濠之變率師勒王竟死于難邑士人哀慕塑像祀于學宮各宦祠

王崇之字守節滑縣人天順九年進士上海知縣擢御史北虜數寇遼陽戰備廢弛士卒飢寒公按遼調劑振作切中機宜時中貴人汪直巡邊貪橫不道撫鎮以下望風重賄獨崇之不屈直欲中傷之謫延安府推官崇之性友愛剛正弗撓與濬王越齊名稱大小虎云

王綏開州人舉進士授戶部郎中遷湖廣副使宦者谷大氏姓譜 卷八十五 七陽 王氏 辛
用迓世廟而南強綏長跪迓竟不屈轉河南擒鑛賊有功歷陞布政使巡撫都御史至大理卿以參馭咈衆左遷山東參政卒宦遊三十餘年蕭然如寒素士論賢之祀鄉賢王鵬祥符人成化辛卯鄉薦孝宗中擢守衡州下車首詢民隱以洗冤澤物爲任郡獄演繫六百餘人寘重典者數十鵬悉爲減定多所平反徃行幾空時廣西土官岑濬叛征勦土兵過衡需餉鵬咄嗟立辨禁土兵不得入城作浮橋以濟後乞休歸著有洗冤錄

王會字咸亨嘉靖間知道州值歲祲煮粥賑飢全活甚衆新學宮及濂溪書院修州志及濂溪志作養人材品藻不失適三省會師征廣右寇兵使者欲指呼民爲盜以要功會曰殺人以媚人吾不爲也乃解綬去士民爭留不可得王翰武岡守備正德元年土蠻黃吉等亡命入緩寧淑浦

山晉中憑依險阻郡中不究之徒依附弄兵曠聚益衆大
爲民患翰與靖州守備周輔夾攻會勦羣蠻解散
王隴字履吉別號雅直少學于蔡羽居林屋者三年旣而
讀書石湖由諸生貢入國子僅四十而卒行楷得晉法書
無所不觀

王遙鄱陽人得仙術能治病不用符水針藥但以八尺布
帕敷之須臾病愈若有邪魅卽畫地作獄叩石呼之皆入
獄中有一弟子負竹篋隨行嘗盲風兩行衣皆不溼一日
兩炬導入石室中有二人曰卿何如久住俗間答曰當來
乃還家自負竹篋而去

歷代列女

王后安漢公太傅大司馬王莽之女孝平皇帝之后爲人
婉淑有節行平帝卽位后年九歲莽秉政欲只依霍光故

氏姓譜

卷十五

七陽

王氏

七

事以女配帝設許以成其禮諷皇太后遺長樂少府宗政
尙書令納采太師大司徒大司空以下四十人皮弁素積
而告宗廟明年春遣司徒司空左右將軍奉乘輿法駕迎
皇后于安漢公第司徒授璽綬登車稱警蹕時自上林延
壽門入未央前殿羣臣就位行禮畢大赦天下賜公卿下
至趨走執事皆有差后立歲餘平帝崩後數年莽篡漢位
后年十八自劉氏廢常稱疾不朝會莽敬憚哀傷意欲嫁
之令立國將軍孫建世子豫將醫往問疾后大怒笞鞭旁
侍御因廢疾不肯起莽遂不敢強也及漢兵誅莽燔燒未
央宫后曰何面目以見漢家自殺火中而死君子謂平后
體自然貞淑之行不爲存亡改意可謂節行不虧汚者矣
詩曰髮彼兩髦實惟我儀之死矢靡他此之謂也

王氏妻東漢大司徒王良之夫人也王良故居東海會司

後史鮑恢到東海過候其家良妻布襦曳柴自田中歸恢
告曰我司徒史欲見夫人良妻曰妾是也恢乃下拜歎息
而還君子謂王良之妻已貴而能勤已富而能儉詩曰不
素餐兮王良妻之謂也

王氏母漢丞相安國侯陵之母也陵始爲縣邑豪高祖微
時兄事陵及高祖起沛陵亦聚黨數千以兵屬漢王項羽
與漢爲敵國得陵母置軍中陵使至則東嚮坐陵母欲以
招陵陵母旣而私送使者泣曰爲老妾誅陵善事漢王漢
王長者無以老妾故懷二心言妾已死也乃伏劍而死以
固勉陵項羽怒烹之陵志益感終與高祖定天下位至丞
相封侯傳爵五世君子謂王陵母能棄身立義以成其子
詩云我躬不闕遑恤我後終身之仁也陵母之仁及五世
王氏婦太原王霸妻不知何氏之女也霸少立高節光武
氏姓譜

卷十五

七陽

王氏

七

時連徵不仕妻亦美志行初霸與同郡令狐子伯爲友後
子伯爲楚相而其子爲郡功曹子伯乃令子奉書于霸車
馬服從雍容如也霸子時方耕于野聞賓至披耒而歸見
令狐子沮怍不能仰視霸目之有愧容客去而久卧不起
妻怪問其故始不肯告妻請罪而後言曰吾與子伯素不
相若向見其子容服甚光舉措有適而我兒曹蓬髮歷齒
未知禮則見客而有慙色父子情深不覺自失耳妻曰君
少修清節不顧榮祿今子伯之貴孰與君之高奈何忘宿
志而慙兒女子乎霸屈起而笑曰有是哉遂共終身隱遁
王氏婦王章之妻章爲諸生在長安獨與妻俱章疾病無
被卧牛衣中與妻訣涕泣妻怒曰京師尊貴在朝廷人誰
逾仲卿者今疾病不自激昂而反涕泣何鄙也後章仕官
至京兆欲上封事妻又止之曰人當知足獨不念牛衣中

謝道韞時邪章曰非女子所知也書遂上章果死妻子皆從
合蒲其家屬采珠致產數百萬

王經母三國魏司馬昭弒其主髦于南闕下收尙書王經
及其家屬付獄經謝其母母笑曰人誰不死正恐不得其
所以此并命何恨之有及就誅故吏向雄哭之哀動一市
君子謂王經母成子之名而不惜子之死論語云無求生
以害仁有殺身以成仁王母之教其子幾矣

王皇后文明后也諱元姬東海鄰人也父肅魏中領軍蘭
陵侯后年八歲誦詩論尤善喪服荀有文義目所一見必
貫于心年九歲遇母疾扶持不捨左右衣不解帶者久之
每先意候指動中所適由是父母令攝家事每盡其理祖
朗甚愛異之曰與吾家者必此女也惜不爲男矣年十二
朗薨后哀戚哭泣發于自然其父益加敬異旣笄歸于文
氏姓譜

卷五

七陽 王氏

帝生武帝及遼東悼王定國齊獻王攸城陽哀王兆廣漢
殤王廣德京兆公主后事舅姑盡婦道謙冲接下嬪御有
序及居父喪身不勝衣言與淚俱時鍾會以才能見任后
每言于帝曰會見利忘義好爲事端寵過必亂不可大任
會後果反武帝受禪尊爲皇太后宮曰崇化初置宮卿重
選其職以太常諸葛緒爲衛尉太僕劉原爲太僕宗正曹
楷爲少府后雖處尊位不忘素業躬執紡績器服無文御
浣濯之衣下參珠而陸九族垂心萬物言必典禮浸
潤不行帝命下參珠而號泰始三年下詔曰昔漢
文追崇靈木下參珠而其母曰平之封戚所以奉尊尊
之敬廣親親之恩也後衛將軍蘭陵景侯夫人羊氏含章
體順仁德醇備內承世胄出嬪大國三從之行率禮無違
仍道不造頻喪統嗣撫育衆循克成家道母儀之教光于

邦族誕啟聖明神流萬國而早世殂隕不遇休寵皇太后
孝思蒸蒸永慕罔極朕感存遺訓追遠傷懷其封夫人爲
縣君依德紀謚主者詳如舊典于是使使持節謁者何融
追謚爲平陽縣君四年后崩時年五十二合葬崇陽陵將
遷祠帝手疏后德行命史官爲哀策曰明明先后興我晉
道暉章淑問以翼皇考邁德宣猷大業有造貽慶孤矇堂
備是保庶資復顧永享難老奄然登遐棄我何早沉哀罔
訴如何穹昊嗚呼哀哉厥初生民樹之惠康帝遷明德顧
予先皇天立厥配我皇是光作邦作對德音無疆愍予不
弔天篤降殃日沒明夷中年隕喪煢煢在疚永懷摧傷尋
惟景行於穆不已海岱降靈世荷繁祉永錫祚胤篤生文
母誕膺純和淑慎容止質直不渝體茲孝友詩書是悅禮
籍是紀三從無違中饋允理追惟先后勞謙是尙爰初在

氏姓譜

卷十五

七陽 王氏

高

室竭力致養孯于大邦皇基是相謚靜隆化帝業以劊內
叙嬪御外叶時望履信居順德行洽暢密勿無荒劬勞克
讓崇儉抑華冲素是放雖享崇高歡嘉未饗胡寧棄之我
將曷仰咨余不造大罰薦臻皇考背世始踰三年仰奉慈
親冀無後艱凶災仍集何辜于天嗚呼哀哉靈輻風駕設
祖中闈輻輳動軫既往不追哀哀皇妣永潛靈暉進攀梓
宮顧援素旂屏營窮痛誰告誰依訴情贈策以舒傷悲尙
或有聞顧予孤遺嗚呼哀哉其後帝追慕不已復下詔曰
外曾祖母故司徒王朗夫人楊氏舅氏尊屬鄭劉二從母
先后至愛每惟聖善敦睦遺旨渭陽之感永懷靡及其封
楊夫人及從母爲鄉君邑各五百戶太康七年追贈繼母
夏侯氏爲崇陽鄉君

王氏女霸陵王整之妹也年十六歸襄陽衛敬瑜敬瑜嗣

水死父母舅姑欲嫁之誓而弗許截耳置盤中舅姑懼乃止常有雙燕巢梁間一日雄燕爲鷲鳥所傷其雌燕孤飛悲鳴徘徊至秋翔集王氏之臂如告別然王氏以紅縷繫足曰新春覆來爲吾侶也明年果至因贈以詩曰昔時無偶去今年還獨歸故人恩義重不忍更雙飛自是秋歸春來凡六七年其年王氏病卒燕來周章哀鳴家人語曰王氏死矣墳在南郭燕遂至墳所亦死焉每風清月明人見王氏與燕同遊灞水之上雍州刺史晉昌侯藻嘉其美節顯其門曰旌義衛婦之門君子謂王氏奇節能感化飛禽

氏姓譜

卷八十五

七陽 王氏

七

配參軍生子故不翅如此參軍謂渾中弟淪也琰女亦有才淑爲求賢夫時有兵家子甚俊濟欲妻之白琰琰曰要令我見之濟令此兵與羣小雜處琰自帷中察之旣而謂濟曰緋衣者非汝所拔乎濟曰是琰曰此人才足拔萃然地寒壽促不足展其器用不可與婚遂止其人數年果亡琰明鑒遠識皆此類也渾弟湛妻郝氏亦有德行琰雖貴門與郝雅相親重郝不以賤下琰琰不以貴陵郝時人稱鍾夫人之禮郝夫人之法云

王凝之妻謝氏字道韞安西將軍奕之女也聰識有才辯

叔父安嘗問毛詩何句最佳道韞稱吉甫作頌穆如清風仲山甫永懷以慰其心安謂有雅人深致又嘗內集俄而雪驟下安曰何所似也安兄子朗曰散鹽空中差可擬道韞曰未若柳絮因風起安大悅初道凝之還甚不樂安曰

王郎逸少于不惡汝何恨也答曰一門叔父則有阿大中郎羣從兄弟復有封胡羯末不意天壤之中乃有王郎封謂謝歆胡謂謝朗羯謂謝元未謂謝川皆其小字也又嘗議元學植不進曰爲塵務終心爲天分有限邪凝之弟獻之嘗與賓客談議詞理將屈道韞遣婢白獻之曰欲爲小郎解圍乃施青綾步鄣自蔽申獻之前議客不能屈及遭孫恩之難舉眉自若既聞夫及諸子已爲賊所害方命婢肩輿抽刃出門亂兵稍至手殺數人乃被虜其外孫劉清時年數歲賊又欲害之道韞曰事在王門何關他族必其如此寧先見殺恩雖毒虐爲之改容乃不害濤自爾婺居會稽家中莫不嚴肅太守劉柳聞其名請與談議道韞素知柳名亦不自阻乃簪髻素褥坐于帳中柳東修整帶造于別榻道韞風韻高邁叙致清雅先及家事慷慨流漣徐

氏姓譜

卷八十五

七陽

王氏

六

酬問旨詞理無滯柳退而嘆曰實頃所未見瞻察言氣使人心形俱服道韞亦云親從凋亡始遇此士聽其所問殊開人胸府初同郡張元妹亦有才質適于顧氏元每稱之以敵道韞有濟尼者游于二家或問之濟尼答曰王夫人神情散朗故有林下風氣顧家婦清心玉映自是閨房之秀道韞所著詩賦詠頌並傳于世

王廣女不知何許人也容質甚美慷慨有丈夫之節廣任劉聰爲西楊州刺史蠻帥梅芳攻陷楊州廣被殺王時年十五芳納之俄于閨室擊芳不中芳驚起曰何故反邪王罵曰蠻畜我欲誅反賊可謂反乎吾聞父仇不同天母仇不同地汝反逆無狀害人父母而復以無禮凌人吾所以不死者欲誅汝耳今死自吾分不待汝殺但恨不得梟汝首于通達以塞大恥辭氣猛厲言終乃自殺芳止之不可

王夫人名觀香字衆愛生子晉兄弟五人妹二人凡七人
得道紫微王夫人右英王夫人昭靈李夫人同降中侯壇
吟詩

王氏媼 晉王獻之之妾名桃葉其妹曰桃根獻之嘗臨渡
歌以送之曰桃葉復桃葉渡江不用楫但渡無所苦苦我
自迎接後人因名渡曰桃葉渡在金陵秦淮口不用楫謂
橫波急也

王氏女 愍懷太子妃太尉王衍女也字惠風貞婉有志節
太子既廢居于金墉衍請絕婚惠風號哭而歸行路爲之
流涕及劉曜陷洛陽以惠風賜其將喬屬屬將妻之惠風
拔劍距屬曰吾太尉公女皇太子妃義不爲逆胡所辱屬
遂害之

王皇后 文安后諱寶明琅邪臨沂人也祖韶之吳興太守
氏姓譜 卷八十五 七陽 王氏 七

父暕之太宰祭酒朱世太祖爲文惠太子納后桂陽賊王
太祖在新亭傳言已沒宅復爲人所抄掠文惠太子竟陵
王于良奉穆后庾妃及后挺身送后兄昂之家事平乃出
建元元年爲南郡王妃四年爲皇太子妃無寵太子爲宮
人製新麗衣裳及首飾而后床帷陳設故舊釵鐏十餘枚
永明十一年爲皇太孫太妃鬱林卽位尊爲皇太后稱宣
德官贈后父金紫光祿大夫母桓氏豐安縣君其年十二
月備法駕謁太廟高宗卽位居出鄱陽王故第爲宣德宮
永元三年梁主定京邑迎后入宮稱制至禪位天監十年
薨年五十八葬崇安陵諡曰安后兄晃義興太守

王皇后 平文后廣寧人也年十三因事入宮得幸于平文
王昭成帝平文崩昭成在襁褓時國有內難將害帝于后
匿帝于袴中咒曰若天祚未終者汝無聲遂良久不啼行

免于難昭成初欲定都于灑源川築城郭起官室議不決
后聞之曰國自上世遷徙爲業今事難之後基業未固若
郭而居一旦寇來卒難遷動乃止烈帝之崩國祚殆危興
復大業后之力也崩葬雲中金陵道武卽位配饗太廟
于孝女名舜趙郡人也父子春與從兄長忻不協齊亡之
際長忻與其妻同謀殺子春舜時年七歲有二妹燦年五
歲璠年二歲並孤苦寄食親戚舜撫育二妹恩義甚篤而
舜陰有復仇之心長忻殊不爲備妹俱長親戚欲嫁之輒
拒不從乃密謂二妹曰我無兄弟至使父仇不復吾輩雖
女子何用生爲我欲共汝報復汝意何如二妹皆垂泣曰
唯姊所命夜中姊妹各持刀踰牆入手殺長忻夫婦以告
父墓因詣縣請臯姊妹爭爲謀首州縣不能決文帝聞而
嘉嘆特原其臯

氏姓譜

卷十五

七陽

王氏

六

王皇后太宗簡皇后諱靈賓琅邪臨沂人祖儉太尉南昌
文憲公后幼而柔明淑德叔父暕見之曰吾家女師也天
監十一年拜晋安王妃生哀太子大器南郡王大蓮長山
公主妙畧大通三年十月拜臯太子妃太清三年三月薨
于永福省年四十五其年太宗卽位追崇爲皇后諡曰簡
王孝女年五歲得毒病兩目皆盲性至孝年二十而父亡
女臨屍一呌眼皆血出小妹爲舐之左目卽開愈時人皆
以爲孝感所致也

王氏齊處士劉暕妻也暕居上元青龍山爲儒林之宗年
至四十未婚其友始爲娶王氏暕乃詣澗折蕪而去因名
其地爲蕪蕪澗

王皇后六朝宋明帝之后也明帝于宮中大宴裸婦人而
觀之王皇后以扇障面上怒曰外舍寒乞今共爲梁何獨

不視后曰爲樂之事其方自多豈有姑姊姝集而以此爲笑哉外舍之樂雅異于此上大怒遣后起后兄景文聞之曰后在家柔弱今剛正如此君子謂明恭后能以正自持弗徇君欲詩曰畜君何尤此之謂也

王氏張崇妻也時秦州節度使王承儉築城獲瓦棺中有石刻曰隋開皇二年渭州刺史張崇妻王氏銘文有深深葬玉鬱鬱埋香之句

王皇后高宗之后并州祁人祖思政魏尚書左僕射父仁祐貞觀中爲羅川令后幼而淑婉從祖母同安長公主以自太宗納爲晉王妃昇儲冊居東宮擢其父陳州刺史卽位立爲皇后父拜特進封魏國公尋卒贈司空母柳氏魏國夫人素性簡重位居正嫡不屑曲事上下每見內人尙宮亦無浮禮帝先寵蕭良娣與之忿爭更相短毀會又立

氏姓譜

卷十五

七陽

王氏

九

武昭儀性特詭險初與后共排良娣后后所薄必曲意款結之得賜與盡以分遺凡后所爲必先得之始懷異謀誣后與母挾左道爲蠱厭帝信之益寵遇昭儀削后母門籍不許入宮罷舅柳爽不許知政復因李義府等陰佐昭儀以偏言怒帝遂下詔廢后與良娣皆爲庶人囚之宮中流后母兄良娣宗族于嶺南遂立昭儀爲后許敬宗又奏奪仁祐官爵久之帝哀念后與良娣閉行至四所呼之二人流淚嗚咽武后知之促令人各杖之百剔其手足投醜甕中詈曰令二姬骨醉數日方絕良娣罵曰武氏狐媚翻覆我死後爲貓使武爲鼠生生扼其喉以報后聞詔六宮母畜猶改其姓爲皇后姓爲嬖自此后嬖見二人被髮瀝血爲厲以巫祝解謝徙蓬萊宮厲復見故多駐東都中宗卽

位乃復其姓

王皇后元宗后也同州下邳人梁冀州刺史神念裔孫父卽仁皎小字阿忠帝封臨淄王聘爲妃將清內難密預大計卽位立爲皇后以無子愛弛而武妃有寵后不平詆之帝因欲廢后承聞泣曰陛下獨不念阿忠脫紫半臂易斗麩爲生日湯餅邪帝憫然動容由是久不廢其兄守一爲求厭勝術浮屠明悟教以祭北斗取霹靂木刻天地字及帝諱咒而佩之曰後有子與則天比開元十二年事覺帝自臨問有狀制詔有司皇后天命不祚華而不實有無將之心不可以承宗廟廢爲庶人有王譔作翠羽帳賦以諷帝不聽未幾后卒以一品禮葬素以撫下有恩後宮無短毀復思慕之帝亦尋悔天應元年追復皇后

王皇后順宗后也后幼以良家子選入宮爲才人順宗在藩代宗特以賜之時年十三封爲孺人生憲宗正位東宮

氏姓譜

卷十五

七陽 王氏

今

冊爲良娣柔順仁惠言容恭謹宮中化之及卽位帝有疾日夕候侍不離左右冊禮將行仍止元和元年尊爲皇太后冊禮畢憲宗御紫宸殿宣赦后居興慶宮素性畏慎裁抑外家一無所假訓厲內職有古后妃風十年崩年五十四附葬豐陵

王賢妃武宗妃也邯鄲人年十三性機悟善歌舞選入宮帝爲穎王穆宗以賜開成末王嗣帝位妃陰爲助畫進號才人遂有寵狀纖頰頗類帝復能騎射每畋獵苑中才人必從校服光俊畧同至尊相與馳射出入觀者莫知孰爲帝也又欲立爲后宰相李德裕以無子且家不素顯恐貽天下議乃止後帝因惑方士寔不豫才人每謂親近日陛下日燎丹藥意取不死而膚澤消槁吾獨憂之俄而疾益亟帝因其侍左右執視之曰吾氣奄奄情慮耗盡願與汝

辭答曰陛下大福未艾安得語此不祥帝曰脫如我言奈何泣曰萬歲之後妾願以殉帝不復言及大漸才人悉取所貯散遺宮中帝已崩卽自經幄下內外皆義之咸爲感勵宣宗卽位嘉其節贈賢妃葬端陵之柏城

王氏楊慶妻慶卽隋河間王宏之子大業末爲滎陽太守封鮒王王氏乃世充兄女慶因陷世充以女妻之令守管州太宗圍洛陽慶欲與妻同降妻曰妾所以奉箕箒欲以結公心耳今自爲身謀妾將奈何若至長安則公家婢耳願送還東都慶不聽入朝授宜州刺史王氏語侍者曰唐兵若勝我家則滅鄭國無危吾夫必死進退惟谷何以生爲乃飲藥而卒

王氏婦韋氏王琳妻也士族之女自幼不好華飾琳爲眉州司功參軍卒韋時年二十五其家欲強嫁之韋固拒自氏姓譜

卷八十五

七陽

王氏

八

是不聽音樂獨處一室家貧或終日不食手著女訓卒年七十五二子堅冰教育有法後皆名聞

王氏婦裴氏尉尉王泛妻儀王傅巨卿之女素有容範亦爲賊俘逼妻之罵曰吾衣冠子當死卽死終不苟全受辱賊再三撫以恩不屈益奮賊大怒支解而死宣慰使李季卿以狀聞

王氏朱延壽妻延壽爲楊行密壽州刺史惡其不臣與寧國田頽謀絕之以歸唐事泄行密詐爲書名延壽云欲授以揚州延壽信之將行王氏曰君誠得揚州以成宿志是興衰在時未可顧家然願使一介爲驗約定尅期懸望及期不至諒事已敗卽部家僕授兵器方欲報仇捕騎已至盡出私帑施民焚其牙居呼天泣曰我誓不爲仇人辱卽赴火死

王孝女華陰人初生母亡鞠于繼母父以隋世成遠而沒
因遭兵亂尙未葬年十五祖父母繼母俱卒零丁孤苦一
無所依孝女立父形像拈其魂與二母合葬廬于墓側負
土併葬其祖父母哀慟行路已乃就嫁楊紹宗至永徽中
年已老高宗下詔標其門閭賜物三十段粟五十石

王氏冀州鹿城人名阿足早孤無兄弟惟一姊年老孤寡
時阿足已適同縣李氏夫亡年少人見其無子多欲聘之
不能捨姊去誓不肯嫁每晝營田業夜便紡績經二十年
姊妹衣食粗給及喪葬送以禮鄉人欽其節行稱爲義姑
爭遣妻女往師之後以壽終

王和子徐州孝女也其父及兄于元和中以防秋戍涇吐
蕃寇邊俱戰死無子母又先亡和子時年十七被髮徒跣
身服縗蔬獨往涇州丐取父兄之喪歸徐營葬

氏姓譜

卷十五

七陽

王氏

二

王氏崔祐甫妻賢而有識朱泚叛王陷賊中泚遣以繡帛
菽粟受而緘鏑之向帝還具封以獻當時君子稱其家法
王氏陳恕妻也恕爲參政入見太宗曰卿娶誰氏對曰臣
無妻上曰王氏女正江南望族女令淑可作卿配遂娶之
不數日封郡夫人

王氏劉和妻工詩嘗作正朔詩稔爾冥机運迅矣四節旌
太簇應元律青陽兆初正

王氏母王琚之母琚始爲中書侍郎母居洛陽來京師讓
琚曰爾家上世皆州縣職今汝無攻城野戰勞徒以誦倭
取容海內切齒吾恐汝家墳墓無人復掃除也琚卒不免
王氏婦凝妻李氏凝爲號州司戶參軍卒李負骸骨歸過
開封主人牽其臂乃斷臂投地

王氏女薛仁果降將旁舍地復叛所過剽害掠王氏女醉

寢于野王遂取衾地所佩刀斬之送首梁州詔封女爲崇義夫人

王蘭英獨孤師仁之姆師仁父武都謀歸唐王世充殺之師仁始三歲免死禁錮蘭英請髮鉗得保養許之時喪亂餓死者籍籍游丐道路以食師仁啖土飲水後詐爲採薪竊師仁歸京師高祖嘉其義詔封蘭英永壽鄉君

王氏女不知何氏女義方母也義方初爲侍御史欲奏彈李義府先白其母曰義方爲御史視姦臣不糾則不忠糾之則身危而憂及于親爲不孝奈何母曰昔王陵之母殺身以成子之名汝能盡忠以事君吾死不恨義方乃奏義府擅殺名官對此義府令下義府顧望不退義方三叱之始下乃讀彈文高宗以義方毀辱大臣貶爲棗州司戶

王氏女漢州雒縣人節操行義爲鄉人所敬但呼曰堂前

氏姓譜

卷十五

七男

王氏

三

猶私家尊其母也堂前年十八歸同郡陳安節歲餘夫卒僅有一子舅姑無生事堂前歛泣告曰人之有子在奉親克家爾今已無可奈何婦願幹蠱如子在日舅姑曰若然吾子不亡矣旣葬其夫事親治家有法舅姑安之子日新年稍長延名儒訓導旣冠入太學年三十卒二孫曰綱曰綬咸篤學有聞初堂前歸陳夫之妹尙幼堂前教育之及笄以厚禮嫁遣舅姑亡妹求分財產堂前盡遺室中所有無靳色不五年妹所得財爲夫所罄乃歸悔堂前爲買田治屋撫育諸甥無異己子親屬有貧窶不能自存者收養婚嫁至三四十人自後宗族無慮百數里有故家甘氏貧質其季女子于酒家堂前出金贖之俾有所歸子孫遵其遺訓五世同居並以孝友儒業著聞乾道九年詔旌表門閭王氏利州路提舉常平司幹辦公事劉當可之母也詔定

三年就養興元元兵破蜀提刑龐援檄當可詣行司議事當可捧檄白母王氏毅然勉之曰汝食君祿豈可辭難當可行元軍屠興元王氏義不辱大罵投江而死其婦杜氏及婢僕五人咸及于難當可聞變奔赴江潯得母喪以歸詣贈和義郡夫人

王氏婦梁氏臨川人歸夫家纔數月會元兵至一夕與夫約曰吾遇兵必死義不受汙辱若後娶當告我頃之夫婦被掠有軍千戶強使從已婦紿曰夫在伉儷之情有所不忍乞歸之而後可千戶以所得金帛與其夫而歸之並與一矢以却後兵約行十餘里千戶卽之婦拒且罵曰斫頭奴吾與夫誓天地鬼神實臨之此身寧死不可得也因奮搗之乃被殺有同掠脫歸者道其事越數年夫以無嗣謀更娶議輒不諧因告其故妻夜夢妻曰我死後生某氏家

姓氏譜

卷十五

七陽

王氏

合

今十歲矣後七年當復爲君婦明日遣人聘之一言而合詢其生與婦死年月日同云

王貞婦夫家臨海人德祐二年冬元兵入浙東婦與其舅姑夫皆被執旣而舅姑與夫皆死主將見婦督美欲內之婦號慟欲自殺爲奪挽不得死夜令俘囚婦人雜守之婦乃陽謂主將曰若以吾爲妻妾者欲令終身善事主君也吾舅姑與夫死而我不爲之哀是不天也不天之人若將焉用之願請爲服期卽惟命苟不聽我我終死耳不能爲君妻也主將恐其誠死許之然防守益嚴明年春師還絮行至嵎青楓嶺下臨絕壑婦待守者少懈齧指出血書字山石上詩云穀則異壑死則同穴南望慟哭自投崖下死後其血皆漬入石間盡化爲石天且陰雨卽墳起如始書時元至治間旌爲貞婦郡守立石祠嶺上易名曰清風嶺

王氏雙女膠州人宋靖康間王氏姊妹與姑避難爲虜所得虜見二女美欲挾以行二女給虜曰放姑還當從汝虜卽縱姑去二女行至途中相謂曰我閨闔家豈爲賊所汚俱投海死其親屬收其尸而埋之曰雙女塚

王氏本睢陽人趙子乙妻也子乙故王誓不嫁宋靖康亂王氏以聖土自毀負姑攜幼子避地而南越四年始達溫陵徙居于莆終焉一時名人如陳俊卿輩皆有詩以哀之王氏二婦宋汝州人建炎初金人至汝州二婦爲所掠擁置舟中遂投漢江以死屍皆浮出不壞時人收葬城外江上爲雙塚以表之

王氏潘友恭之婦自居家時事親孝親愛之年十有九而嫁友恭穆所以事親者事舅姑舅姑亦愛之

王氏女父王綸宋祥符中爲太子中允女年十八自稱燕氏姓譜

卷十五

七陽

王氏

金

華君謂父曰與汝有洞天之緣初不識字而能韻雪詩云何事月娥欺不在亂飄端葉到人間與人言天上有端木花開六出後適呂氏懵然不復能詩矣

王氏名舒安石女吳安持妻封蓬萊縣君父以新釋楞嚴經付之女寄父曰西風吹入小窻紗秋色應憐我憶家極目江山千里恨依然和淚爲黃花父和曰青燈一點映窗紗好誦楞嚴莫念家能了諸像如夢幻世間應有妙蓮花王昭儀元宮人名清惠字昭儀至正丙子伯顏入臨安以王北去王題滿江紅于驛壁抵上都懇請爲女道士號冲華其詞云太液芙蓉渾不似舊時顏色曾記得承恩雨露玉樓金闕名播蘭簪妃后裡暈生蓮臉君王側忽朝鞞鼓揭天來繁華歇龍虎散風雲滅千古恨憑誰說對山河百二淚沾襟血驛館夜驚塵土夢官車曉碾關山月願常城

相顧肯從容隨圓缺君子悲王昭儀有高才而薄于福詩云其何能淑載胥及溺此之謂也

王氏趙昂妻也昂爲姜道令王獨留家會同郡梁雙反攻西城破之王恐爲所侵乃以溷泔麻而被之斲食瘠形自爲不潔免于難

王氏奉化人董軫妻未成婚而軫亡或勸改嫁誓不可其姒有娠指曰吾得姒子爲子足以興董氏旣而果得男立爲嗣名之曰郤迨長以義舉入仕紹興間使三韓轉修武郎乞以恩例侍養封母爲孺人一夕夢一人謂曰兒父也覺想夢見之像筆之以示母母曰此肖爾父何從得其實告母爲悲悼遂傳而祠焉厥後子孫稱爲女兒娘娘董氏之興由自茲始

王氏女奉化人舒立之妻年十九適舒氏三月而夫亡後氏姓譜 卷十五 七陽 王氏 六

媒踵至雖父母有命不可奪終老于舒僅有田數畝分授二姪爲養老資年八十有六參政樓忠獻公鑰爲立石題其塚曰宋節婦王氏墓

王氏女父出耘舍旁遇豹爲所噬曳之升山父大呼女識父聲驚趨救以父所棄鋤擊豹腦殺之父仍得生

王氏婦郭氏王德政妻也少孤事母孝謹備至以女儀聞于鄉及笄富貴家慕之爭求聘母不許時德政訓蒙里中年四十餘貌甚陋母以貧不能教二子故納德政爲壻使教之宗族皆不可郭氏慨然願順母志旣婚頗相敬愛囑教二弟有成未幾德政卒氏年方二十餘仍勵節以事母

王氏女遼陽李君進妻也大德八年君進病卒卜葬將發引親戚隣里咸會王氏謂衆曰夫婦死同穴義也吾得從良人游不亦可乎因撫棺大慟嘔血升許卽仆地死衆爲

飲之與夫連柩出葬送者數百人莫不洒泣

王氏女燕京人張買奴妻也年十六買奴官錢塘病沒葬城西十里外氏每旦披髮往奠伏墓大慟久而致疾服闋舅姑欲嫁之氏泣曰父母命妾奉箕帚于張氏此足豈可復履他人門乎遂熒居三十年而卒

王氏女丙黃趙美妻也至治元年美溺水死王氏誓守志舅姑念其少無子欲使更適氏曰婦義無再醮且舅姑在妾可棄去邪舅姑欲以族姪與繼婚氏拒不從迫之力氏知不免卽引繩自經死

王氏女偃師人名王安哥也是歲從父避兵印山丁家洞兵入搜得之見安哥色美驅使出欲污之不從投澗而死王氏女大都惠士元妻至正十四年士元病草囑王氏曰我病必不起前妾所生子汝善保護之待稍長從汝自嫁

氏姓譜

卷十五

七陽 王氏

七

氏泣曰君何出此言妾義當死尙復有他說乎士元卒比葬氏遂居墓側以妾子置左右時其飲食寒煖歲餘妾子亦死乃哭曰無復望矣終喪親舊皆攜酒醴祭士元于墓祭畢衆欲行酒氏已經死于樹

王氏女良鄉費隱妻也隱有疾囑氏曰我一子一女雖妾所生無異汝出我死汝其善撫之遂沒氏居喪撫其子女既而子又死服除乃執女手曰汝已稍知人事管鑰在此汝自司之遂相抱痛哭是夜溢死園中

王氏女博興人爲同里焦士廉妻至正十七年毛貴亂山東官軍競出掠王氏被執給曰我家墓田有藏金可共取信之隨至墓所氏哭曰我已得死所矣可于此殺我乃與妾杜氏皆遇害

王氏媼齊氏太原王履謙妻也治家嚴肅克守婦道至正

十八年賊陷太原齊氏與二婦蕭氏呂氏及其二女避難于趙莊石巖賊至度不免顧謂二女曰汝家五世同居號爲清白豈可虧節辱身長女曰吾夫已死今爲未亡人得死爲幸呂氏曰吾爲中書佐丞之孫義不受辱齊氏大哭乃與二婦二女同投崖死

王氏婦安正同磁州人平章政事祐孫女嫁同郡王時至正十九年時以參知政事分省太原安從之任踰年賊陷太原衆皆走安與妾李氏投井死追贈梁國夫人諡莊潔王氏婦諸暨蔡氏王琪妻也至正二十二年張士誠陷諸暨蔡避之長寧鄉兵猝至有造紙鑊方沸遂投其中而死王氏婦李賽兒房山王士明妻也至正二十五年叛將竹貞軍至縣賽兒及女李家奴皆被執士明隨至軍軍怒逐之賽兒謂其女曰汝父旣爲軍所逐吾與汝必不得脫與氏姓譜

卷八十五

七陽

王氏

八

其受辱不若死女曰母先殺我賽兒卽以軍所遺鑊刀殺其女遂自殺

王氏婦宋氏翰林直學士宋娶女世居大都夫王宗仁家永平路永平被兵宋從夫避鐔子山夫婦皆爲軍所掠有窺宋色美欲害宗仁者宋顧謂夫曰我不以身累君遂攜一女投井死

王氏女夏津人適邑人馬英英亡時王氏年甫二十七誓不再醮寒飢而死事聞旌表其門

王妙璘海康王谷榮室女年及笄有姿色元至元間徭蠻寇雷州執妙璘將犯之妙璘誓不受辱乘間投水死有司嘉其貞烈立石志之

王氏女建康人闕文興妻各醜醜文興從軍漳州爲萬戶府知事王氏與俱行元至元中陳弔眼作亂文興戰死王

氏被掠不受辱給賊曰俟葬夫卽從汝遂得積薪焚屍自投火死至順初贈文興侯爵王氏曰貞烈夫人有司爲立廟號雙節云

王氏女名嬌字昭君齊國王穰女端正閑麗未嘗窺門戶穰以其有異于人求之者皆不與年十七獻元帝

王妃燕京人能詩工書以才色得幸常侍武宗武宗幸蘇州溫泉宮題詩刻石今石刻尙存焉

王氏女監生陳价妻价故氏年十七無子撫姪正學爲嗣教以讀書爲明經年六十五卒諡旌表以上三代一門知縣楊啟春重修牌坊題一門節義三世恩榮教諭王大輅贊詩義從心上起清標繼祖姑藍田三片玉萬載骨難枯王氏女庠生孫嗣芳妻縉紳茂才女未歸嗣芳省試卒于太原女聞痛悼幾絕柩至乃自縊死事聞有詔旌表

氏姓譜

卷十五

七陽

王氏

允

王氏女上金山蘭從義妻早年夫死氏號慟不欲生因家人勸三日乃進一啜生子甫數歲氏撫之寬而嚴事舅姑以孝聞沒後至正九年歲進士王進之作記

王貴妃昭獻貴妃蘇州人永樂七年封貴妃妃有賢德事仁孝皇后恭謹爲帝所重帝晚年多急怒妃曲爲調護自太子諸王宮主以下皆倚賴焉十八年七月薨禮視太祖成穆孫貴妃

王皇后神宗孝端皇后餘姚人生京師萬歷六年冊立爲皇后性端謹事孝定太后得其懽心光宗在東宮危疑者數矣調護備至鄭貴妃專寵后不較也正位中宮者四十二年以慈孝稱四十八年四月崩諡孝端光宗卽位上尊諡曰孝端貞恪莊惠仁明媿天毓聖顯皇后會帝崩熹宗立始上冊寶合葬定陵主祔廟

王妙鳳吳縣人適吳奎姑有淫行正統中奎商于外姑與所私飲並欲汚之命妙鳳取酒挈瓶不進頻促之不得已而入姑所私戲終其臂妙鳳憤拔刀斫臂不殊再斫乃絕父母欲訟官妙鳳曰死則死耳豈有婦訟姑理邪逾旬卒王氏女山陰沈伯燮妻議婚數年伯燮病厲手攣髮禿父母有他意女問沈郎病始何日父曰初許時固佳兒今乃病女曰既許而病命也違命不祥竟歸之伯燮病且憊王奉事無少怠居八年卒嗣其從子更出簪珥佐舅買妾更得子踰年舅姑相繼亡王獨撫二幼孤鬻手食之並成立王貞女崑山人太僕卿宇之孫諸生述之女字侍郎顧章志孫同吉未幾同吉卒女卽去飾白衣至父母前不言亦不泣若促駕行者父母有難色使姬告其舅姑舅姑掃庭內待之女既至拜極而不哭欽容見舅姑有終焉之志姑

氏姓譜

卷八十五

七陽

王氏

卒

含淚曰兒不幸早亡奈何累新婦女聞姑稱新婦泪簌簌下遂留執婦道不去早晚跪奠柩前視姑眠食外輒自屏一室雖至戚遣女奴候視皆謝絕曰吾義不見門以外人後姑病女服勤晝夜不懈及病劇女入候床前出視藥竈往來再三若有所爲羣婢窺之而莫得其迹姑既進藥則睡覺而病立間呼女曰向飲我者何藥乃速愈如是欲執其手勞之女縮手有難進之狀姑怪起視已斷一指煮藥中矣姑歎曰吾以天奪吾子常憂老無所倚今婦不惜支體以療吾疾豈不勝有子邪流涕久之人皆稱貞孝女云王氏婦流賊陷和州一時五烈婦王用賓妻尹氏用賢妻杜氏用聘妻魯氏用極妻戴氏又王氏良器女劉臺妻也五人同匿別墅誓偕死及賊登陴呼聲震地五人相持泣曰亟死亟死毋污賊刃結纒纒斷適用賢所佩劍挂壁上

杜趨拔之爭磨以到次第死

王氏深澤舉人宋愈亨妻也寇至愈亨投井死王氏曰夫既如此吾敢相負媳韓生男甫六日願從死相對縊

王貞女名英父七寶母程氏休寧人也以嘉靖辛丑十一月十七日舉貞女女生而端靜勤女工抗志自將不與羣女埒榆村程傳芳有次子思從蹇修聘焉嘉靖丁巳屆親迎期而傳芳攜其二子賈于外屬妻王氏寢疾願得迎女歸一覲也具言于女父母許之女歸時年十有七耳明年傳芳負橐歸王氏怪詢仲兒當後至再越歲而賈有自潮中來者言思客死矣舉家哭女絕而復甦者再天乎不天而何以生也則有地下從耳

王素娥號孳屏山陰王真翁女也生有淑德長能詩文九曲盡女工年十七歸胡節節以吏曹死北畿素娥誓不他

氏姓譜

卷八十五

七陽

王氏

九

適年四十一卒嘗有黃昏詩云階下蛩吟又暮秋倚欄獨立恨悠悠幾多心事三年淚忍向更深枕上流君子謂素娥能全其節易云安節亨此之謂也

王氏三孝女南陽西鄂人蜀郡太守王子雅之女也子雅有三女無男而家累千金父沒當葬女自相謂曰先君生我姊妹無男兄弟今當安神立宅翳靈后土冥冥絕後何以彰吾君之德各出錢五十萬一女築墓二女各建石樓以表孝思樓高可丈七八柱圓圍二丈有餘石質有綠光可以鑿窮功綺刻妙絕人工

王氏女貢生宣壁妻也崇正癸未左鎮兵至氏攜六歲女匿獅子山兵搜得之至山下過清水塘氏抱女奔塘內適泊淺水不能死兵奪其女挾氏曰從我則生不則以女塗刃矣氏不返顧直趨深水中兵遂殺女復碎裂氏屍而去

事聞當道獎曰濯醜清流

王氏女零庠廩生謝天助妻也年十六歲適天助執婦道敬舅姑順夫子天助以髻年擅高才不治家人產業雖早年廩于郡庠而一家入口賴氏撐持卽或窘甚不以告天助恐貽天助之顧慮也每試輒第一中副榜者二不幸天助故遺氏二十九歲子最幼而家甚貧矢志貞一壽七十一歲居孀者四十二年

王氏女安化鄉吳賢五妻家貧夫故遺幼子國樑氏紡績撫孤百折不渝親族無不敬畏幽閨咸以爲法沒後數十載徽聲噴噴于閭里國樑克敦孝道雖蔬菓不忍先嘗母病割股以療至于持身接物慈祥愷悌終身不誚清議人咸謂之得于和熊畫荻者多

王氏女修武人薛復亨妻復亨卒王縊死柩前萬歷七年

氏姓譜

卷十五

七陽 王氏

九

詔旌其門

王氏女河內人孫拱辰妾拱辰沒遇寇亂被執投井而死王氏女顏宣妾宏治中宣在扶溝尉納王期年生子本浩宣尋病卒王與宣妻櫬歸獨居層樓雖家人罕見之本浩旣長且娶王鬢絲幡然乃扶杖堂奧間邑侍御劉黻嘆曰凡婦勤情寡愛視去其夫如傳舍寧知節孝事若王姬者真巾幗中烈丈夫哉爲立傳

王氏女陽執初妻氏年二十五夫亡遺孤孑然王截髮矢志有諷以改適者輒引刃自刺學使黃希憲郡守李壽皆優賚以表其廬卒年六十六

王氏女曾汝朝妻適曾三月而寡有勸改適者王厲言拒之孀居四十年如一日

王氏女龍陽人曾義妻也年十九義卒遺腹三月生子王

撫孤厲節養姑以孝聞隆慶二年有司奏聞旌表

王氏婦合肥人正德辛未賊衆至氏恐辱抱子女赴塘水死歲癸巳御史聞人詮大書王烈婦家四字于其門

王氏女吳忠妻也安吉人家甚貧正德初夫疫死婦無依有欲收之者婦不應乃爲麥飯瘞夫塚前痛哭良久以草蕘裏身自沉溪而死

王氏女恩縣人張安住妻也洪武十三年夫卒王誓不再適孝養翁姑撫幼子緣由及長娶畢氏畢亦早寡守節如姑旌曰雙節

王氏女堂邑人李茂妻也宏治間茂同吏焦讓輸稅京師讓誘茂飲酣夜分殺之匿其屍王聞馳至京擊登聞鼓訴之嘉靖四年旌表

王氏女平度州人車勸妻也勸爲青州總管卒王誓不再

氏姓譜

卷十五

七陽 王氏

九三

適子文昇亦早卒婦陶氏守節如姑洪武三十二年旌表

王氏女太康人王傑女傑任刑部郎中贅郭浩爲壻浩卒王氏年二十哀毀骨立遺子杲尙童稚誓不他適後杲與妻繼述僅一孫王教之底于成成化庚寅旌異之

王氏女洛陽人董安妻年二十六而夫亡無子王氏紡績以養舅姑守節四十七年始終無玷有司以狀聞成化七年詔加旌表

王氏女仙遊人適同邑張琳年十七而琳卒子炯甫三歲姑季氏患風疾王氏誓養姑鞠子不二其心孀居四十餘年閨門之內肅如也知縣王燦以聞成化己亥優詔旌表

王氏女建寧人徐存妻也正統間與徐忠妻江氏同避寇于里之掃帚寨聞賊至二婦相與誓死賊果至王抱幼女投崖江繼之俱死惟江子福昭縣崖樹間得不死賊退收

二屍歸葬之鄉人哀之焉

王氏女新喻周達理妻也年二十而夫亡有強其他適者王曰妾聞禮一與之醮終身不改事聞詔旌表其門

王氏女名素英吉水生員周必登妻也王氏年十九歸必登宏治七年必登以疾卒王氏誓與同死不食數日母死歸弔一日謂弟曰我死屍還周氏弟方出忽以無疾卒于家弟如其言還屍于周鄉黨莫不慟之

王氏女父辰爲明靖州衛指揮僉事有女許嫁陶絃未行而絃卒女聞之義不忍他適遂自經死因合葬于城北事聞表其閭墓

王氏女長樂人林以德妻也年二十三而孀時舅姑老子且幼王爲養老守孤不易其操後子亦早夭孀戴氏偕其姑以守洪武中詔旌之

氏姓譜

卷十五

七陽

王氏

九四

王氏女景寧人陳驥妻年二十一驥卒遺腹子名達家貧甚紡績事姑撫幼營葬其夫孀居三十九年成化初旌之王氏女鹽城人劉存仁妻也存仁苦學成疾比殆王謂姑曰夫病無妨姑信之爲就寢存仁命終王遂自縊嘉靖初旌表其門

王氏女司綵南海人宣德官中女官有官詞瓊花移向大明宮旖旎濃香依晚風贏得君王留步輦玉簫吹徹月中顧系言云司綵官詞道麗亦樹庭之艷發者

王氏女丞相徽姪女幼年慕道撫琴吟詩嘗曰洞宮有君命當補仙官題詩一絕是夕奄然而終有雙鶴迴翔異香滿野及就木空形而已

王氏女周廷軌妻新建人姑病王割股療之夫病又割股以進及夫卒王年二十四子士貢方在襁褓諸父利其產

欲奪其志王泣謂之曰未亡人恨不能從地下耳豈忍再醮但夫亡遺產無多倘悉以相付如藐孤衣食何諸父乃慙而止卽出所積婚配諸姪撫宗女後病且草子顛天祝曰母能活姑救父豈不能自活遂割股王服之卽愈年八十六崇正間學使旌之曰孝節流芳

王氏女靈川全博妾博隨父任娶王氏歸抵府江遇賊僕輩皆赴水博將隨之王氏牢執博手賊舉刃向博王以手遮博項得不死抵家衆嗟嘆曰無此手則無此項矣王生五子後以科第顯壽六十九終

王氏女宣化縣生員王煦女適舉人鄧繼魁繼魁赴試病亡氏年二十有八無子聞訃痛絕迨輿視歸葬潛溢壙中賴親屬救甦誓不再醮平居足不踰外戶嘉靖間旌其門王氏女澧州人梁樞妻也封股以療姑疾創甚遂死御史

氏姓譜

卷八十五

七陽

王氏

五

陳豪題其門曰孝婦

王氏女安福人適夫某數月卽寡父母欲改嫁之誓死不從中年家益窘公姑沒葬祭無違禮老猶閉門紡績鄉里罕見其面有司旌之

王氏女宜興人王文宰女也念父母無子終身不嫁以侍養年七十卒鄉人呼其冢爲孝女墳也

王氏靖州人胡楠妻也年十八撫遺腹子以全節終

王氏靖州人李寬妻也寬卒甘貧守節撫一歲藐孤成立

王氏桂陽州人陳宗濟妻也孝宗時夫故無子氏年甚少家貧盡斂其粧貲奉夫柩歸窆苦節四十餘年詒旌其門

王氏攸縣人陳廷璋妻也廷璋沒王氏水漿不入口者七日子論在襁褓忍死撫孤論積學有成正統九年旌表

王氏安化人張達妻也嘉靖初達爲流賊所執欲并執王

以首飾投賊脫去俄報達被拷几死氏曰夫死我生何爲自沉池中而死

王氏益陽人何一蕃妻也張獻忠破城殺一蕃欲汚王氏王曰待瘞夫從汝瘞畢乃大罵赴水死

王氏長沙人謝三台妻也生子女五人一妹適葉氏王氏避亂聞左兵淫掠懼爲所汚三台投水死王與其妹及子女以繩連繫相率繼之而死

王氏長沙人黎天峻妻也崇正末賊兵沿鄉炮烙王與謝三達妻趙氏同匿篋箆中俱被執迫以告夫所匿處二氏誓死不言強之再四同斃刃下兩生得脫于難焉

王氏邵陽人梁尙志妻也早寡姑以家貧欲改其節氏誓曰夫沒囑吾養姑撫孤旣已許之何敢有他志以違夫命養姑以孝聞正統九年詔旌其門

氏姓譜

卷八十五

七陽

王氏

六

王氏婦邵陽人唐王佐妻也佐爲推官子鳳儀爲都御史王相夫誦讀課子尤勤興宗在潛邸御書康寧二字賜之

嘉靖十年卒上遣右參政胡德並予祭葬

王氏新寧人劉文泮妻也年十九夫卒越五月遺腹生一子汝梅堅志守節奉姑撫稚旌表其門

王氏庠生高士遇妻夫卒孝事孀姑教子自成中已卯副車有聲庠序

王氏陳明卿妻事舅姑及繼姑以孝聞治家嚴肅內外無間言教其子憲道動息起居必納于義後舉孝廉猶諄諄以先德相勉諭紡績之功無時釋手贈孺人

王氏泥江人賈賢妻也嫁八月而賢溺死氏年十八父母欲奪其志王誓死守節紡績奉姑以孝聞

王氏武陵人楊應期妻也年十九而寡遺腹生子曰孝誓

死守節舅得疾支兩牀第氏浣滌穢惡孝養備至教子孝成諸生孫伯高舉孝廉

王氏曾義妻義卒氏年十九遺腹生子厲節養姑以孝聞王氏周德麟妻也年三十六癸未冬獻賊殺擄勢急王謂夫曰妾惟一死耳至邑東女兒橋率其婢蘭花投水而死王氏零陵人徐有爲妻年二十夫亡誓志撫孤父崇德官贛州訓導寄詩勉女云祖妣唐孺人孀操誰與伍今且喜我女亦能肖我祖不愛事繁華寧甘守清苦終始能勉旃香名垂萬古氏竟克守遺範云

王始妻黃氏妾范氏零陵人黃年少孤居撫范所生子至于成立與范皆以節終有司申請旌其門

王氏衡陽人寧以慈繼妻也萬歷初歸寧嫻于禮姑嘗寢疾氏衣不解帶藥必先嘗雖極妬穢躬自浣滌姑疾草薶氏姓譜

卷十五

七陽

王氏

七

天願以身代時稱孝婦

王氏黃巖人林汝殷妻也年二十歸林未幾汝殷卒里人欲娶之王斷髮以死自誓其父母防之且勸之力王佯許焉旣而防者少懈乃陰囑侍女分其嫁時服一歸其母一予其妹一以爲殯殮之具遂自經死

王氏衡陽人朱衡妻也宣德中衡舉進士卒于京王年二十五剪髮歛棺中誓死以堅守節

王氏豐潤縣人嫁興州前屯衛千戶胡海海沒王氏年少無子誓不再適奉舅姑甚恭父母欲奪其志王氏嘆曰若事二姓曷若從夫于地下乎遂自縊正統中旌表其門

王氏婦王良妻也良祥符人歷官刑部侍郎聞建文遜位大慟詔名良良謂妻曰我分應死未知所以處汝耳妻曰我何難君爲男子乃爲婦人謀乎遂抱其子歛獻如廁置

子池旁自投池死良殮畢合妾抱幼子匿而自焚君子美
良夫婦之忠烈孔子曰有殺身以成仁此之謂也

王氏慈谿人聘于陳而夫隹病其父母娶婦以慰之及門
卽入侍湯藥未幾隹卒王年甫十七矢志不嫁姑張氏曰
未成禮而守無名女曰入陳氏門經事君子何謂無名姑
乃使其二女從容諷之婦不答截髮毀容姑終欲強之窘
辱萬狀二小姑陵之若婢稍不順卽爪其面姑聞復加箠
楚女口不出怨言曰不逼嫁爲婢亦甘也夜寢處小姑床
下受濕得偃病自幸曰我知勉矣鞠從子梅爲嗣教之
成化初飲鄉薦卒昌其家

王氏東莞葉其端妻也其端貧操舟往來鄰境一月一歸
婦紡績易食萬歷二十四年嶺南大飢民多鬻妻子其端
將鬻婦博羅民家券成載其人俱來入門見氏羸甚問之

氏姓譜 卷十五 七陽 王氏 夫

不體弼數日矣其端泣語之故且示之金婦笑而許之及
舟發寶潭躍入潭中死兩岸觀者如堵皆謂水迅屍流無
所底其端至從上流哭數聲屍忽湧出去所投處已逆流
數十步矣

王氏高文學妻也文學死父道美來弔謂王曰無過哀事
有三等在汝自爲之王輟泣問之父曰其一從夫地下爲
烈次則冰霜以事翁姑爲節三則恆人事也王卽鍵戶絕
粒不食越七日而死

王氏淄川成象妻夫死痛哭三日唇焦齒黑父不忍予之
水謝不復飲又三日氣息漸微強起語父曰翁姑未葬夫
亦露殯奈何父許任其事氏就枕叩頭而瞑年十七

王氏蓬萊浦延禧妻年二十守節撫孤九成叛城陷叔允
章至其家問所向答曰兒豈尙向患難中求活時有麻索

在床頭叔以手振之曰欲決計于此乎氏首肯從容就縊
王氏劉應龍妻年十六嫁應龍家貧以女紅養舅姑應龍
父子相繼亡王事姑撫子閱二十年賊陷都城泣拜其姑
曰留長孫奉祀祖母婦死已決遂攜幼子投井死

王氏和州諸生張侶顏妻也南都不守劉良佐部卒肆掠
氏同母匿朝陽洞卒攻洞急氏以子付母曰賊勢洶洶我
少婦卽苟免何面目回夫家此張氏一線善撫之言訖挺
身跳洞外洞高數十仞亂石巉巖若峰刃碎身死焉

王氏王天良女適張玉佩嘉靖二十七年玉佩死氏誓死
不嫁勤儉理家孝養翁姑撫幼子張敏入國學官列兩省
年六十二卒

王氏女上元人夫嗜酒廢業就居破屋一間以竹蓬隔內
外婦日塞戶坐門扉紡績自給夫與博徒李游李悅婦姿

氏姓譜

卷八十五

七場

王氏

九

謀亂之夫被酒以狂言誑婦婦奔母家避之夫逼之歸夜
持酒脯與李俱至引婦坐婦駭走且罵夫以威挾之婦堅
拒大被榜笞婦度不免夜攜幼女坐河岸慟哭投河死是
夜大風雨屍不漂沒及曙女尙睡熟草間

王氏女甯威側室威母廖氏早寡矢節撫三子長威次威
次成皆以文學著及威繼娶王氏甫匝月而威卒王感姑
之節願繼其志其兄受富覓賂令母逼之改適王閉戶自
經母覺解之復甦遂絕歸寧惟侍姑寢食不少離萬歷中
郡丞沈鈇爲作甯氏三節傳

王氏女甯文釗繼妻氏適甯踰年而寡撫前妻七歲孤如
其所生家貧以蚕績贖歲月孀居五十餘年

王氏女舍韜人父先沒母蔣氏撫育及笄許同縣周濂未
娶濂病旣革索見其妻不已母送女至門濂一見卽絕王

氏守喪辭母痛誓不反終無變志云

王氏女歸琦許福延妻年二十一福延亡又許福員妻王氏年二十三福員亦亡氏相與砥礪守節有司廉其實以聞福員妻已卒世惟福延妻得旌表

王氏女奉化人仇治妻年二十一夫喪無子堅操守志父母舅姑惜其少逼使改適王泣誓早夜紡績未嘗臨鏡清苦自力閩里美之年六十餘

王氏女慈林袁公桓妻淝江王惟誠女歸袁氏事舅姑相夫有禮洪武戊辰夫從成越嶺尋沒不還王年二十九三子皆幼值家多故資用衰薄宗族恐其難守以語試之曰親老子幼將安依乎王念曰吾不即死以從夫者正以舅姑老兒弱也勵志益堅貧無戚容年八十一而卒布政應公履平狀其行實侍郎宋公瑋銘其墓

氏姓譜

卷十五

七場

王氏

二頁

王氏女楊煥之妻鄒平人寡而無子甘貧守節葬其祖翁姑及夫凡四喪旌表之

王氏女績溪人馮永保妻也夫遭疾刲股和粥以進且祈以身代夫卒誓死不二有欲奪其志者或托媒以探其意王大笑曰禽獸之行吾豈爲乎卒年八十餘

王氏彭澤人年十九歸邑庠生柯茂三載而夫亡勤儉孝敬鞠育二子守義不衰年三十五而終姪柯與妻陽氏陽遂之女人年二十七而夫喪撫子曰璿長充邑庠生以貞節自守年七十而終人稱爲二節云

王氏閩縣人楊和生妻也和生天卒王年二十有八子永尙幼家益窘或勸其改適王泣曰夫既早世吾不能守其姑而改適其何以自立于天地之間乎志操愈厲撫教其子後永登進士拜監察御史有司以其事聞詔旌其門

王氏泉州衛千戶秦雄之妻也雄早卒王年二十一生子傑未晬獨與母何氏居或勸其改志輒號泣累日不食自是無敢言者始終一節年几八十而卒

王氏大同中護衛總旗王俊女也年十五歸定州衛指揮男施安克事舅姑年二十八安亡奉舅姑壽皆八十餘而終撫育孤子至于承襲守節四十餘年而正志無慙本衛具聞旌表其門

王氏饒陽趙彥良妻也年二十二生男子方一歲夫卒以禮葬之兄憐其少欲奪其志王曰生爲趙家妻死爲趙家鬼況有公姑無人侍奉豈可他適卽固拒而止躬事蚕績以供舅姑及卒以禮殯葬王氏年至七十守節五十一年無瑕玷事聞詔旌其門

王粉兒汝州王通女許嫁同里張得山未行得山沒粉兒

氏姓譜

卷今五

七陽

王氏

百

卽柩旁慟哭幾絕旣葬復至墓所奠哭遂自縊青楊樹下王氏女嬌紅蜀人與申純善純乃紅內兄弟也訂婚爲婢飛紅所聞旣而帥子慕紅才色納幣促親父不得已許之紅悲怨成疾而卒純聞之亦不食而死父痛自悔舉紅柩合葬越明年清明飛紅往詣塋所洒淚奠泣之際惟見鴛鴦捕之不得逐之不去飛翔上下至今傳爲鴛鴦塚

王氏女張文光妻也年十六值姑病氏侍湯藥夜割股以進隨愈及夫卒氏年甫逾二十守節終身

王氏名思貞處州人適周應熊甫歲生一子方八月應熊病草指王曰能爲吾善養吾母保孤幼乎王泣曰必無負天監之後一如夫言孀居六十餘年始終一節

王氏陳忠妻也江東人忠爲都指揮守交阯王隨之會黎

王叛忠陣亡王與二女登竹筏出交阯東海進城海門潛

賂賊徒收忠屍殮之扶柩浮海南歸以葬後毀容積紉度朝夕率與忠歸土焉鄉人謂其夫妻忠節兩不愧云

王氏五女吳縣西洞庭人事父賢孝俱未適人父卒各以衣負土成墳旦夕繞墓悲號死時人哀因名五女塚

王氏名瑞淑字玉映王思任女丁聖肇妻博極羣書尤爛熟朱子綱目小楷入晉格詩通岑嘉州著有吟紅集留篋

集恒心集纂名媛詩緯四十八卷歷代帝王考一百卷時藝精工有父風

王氏曹元寵母時隆冬大雪登樓眺望有美妓從雪中來乃作詩曰梁王宴罷下瑤臺窄窄紅鞋步雪來恰似陽春

三月暮楊春飛處牡丹開
王氏名瓊奴徐荅郎妻也能詩荅郎未娶時以紅箋一幅遺之後爲萬戶所奪以計殺荅郎瓊奴鳴冤于御史寃白

氏姓譜 卷十五 七陽 王氏

之後遂自殺

王氏女保義女也保義爲荆南行軍司馬女不食血五歲通黃庭等經及長夢渡水登山見金銀寶闕云是方丈仙

女類十人中一人曰麻姑授以琵琶數曲自是數夜一過歲得百餘曲其尤者有獨指商以一指彈一曲

王氏韓忠獻妻初未有子夢一僧貌甚異曰汝徵生男子摘五葉餉後生五子皆貴嘗諭之曰汝父有法度爲世所知汝曹若不及則人必以爲類我也其善教如此

王氏女韓登聯妻道義府人登聯病數月王割股救之事舅姑盡孝府縣旌曰孝婦之門後聯再病子續愈亦割股

以療父母子孝義兩全鄉人咸稱之

王氏女朱世妻夫早死氏年二十六始生一子舅姑憫其少強之他適氏以死自誓未幾舅姑沒嚮其奩中物以葬

其父母又無子氏紡績織紉以養之母病割股和藥以進而愈雖經紀兩家絲毫不動夫產以待子之成立明善旣長克盡孝道聿修其堂以爲母壽鄉之士大夫顏延之爲節孝堂詩歌以咏其事大學士楊士奇爲之序

王氏女周治岐妻安陸人年十四歸岐六年姑與夫相繼逝止一女葬之日委身壙中誓與同穴父母掖出氏曰女命不宜子致餒人祀不孝夫死不能殉不義不孝不義何以生爲父母時左右之得不死未幾有媿之再醮者引咎自斷其臂太守高翔贊之曰無子守節何愧夫有子而不能自守者慷慨斷臂前聞其語未見其人

王氏二女一名聖姑一名素姑瑯琊王彪之女也在太湖中著木屐履水而行折蘆而坐人皆神之沒後立聖姑廟于鴻鴈山東唐刺史于頔發其棺見容色如故獨手化爲

氏姓譜

卷八十五

七陽

王氏

五

微塵

王氏婦王安豐妻也嘗鄉安豐安豐曰婦人鄉壻于禮爲不敬後勿復爾婦曰親鄉愛鄉是以鄉鄉我不鄉鄉誰復鄉鄉遂恒聽之

王守素錢塘民家女也其夫丁棄家爲全真道士于吳山紫陽菴一日名守素入山書付四句云懶散六十三妙用無人識逆順兩相忘虛空鎮常寂坐抱一膝而逝守素遂亦束髮簪冠著道士服奉夫遺尸二十年迹不下山逾七十幾于得道

王烈婦劉氏女也夫死密製歛服責飭又翦一皮金爲一香字以示侍女曰此所以志也吾骨亦若是耳晨奠其夫柩戶自縊有異風歛起者再

氏姓譜卷八十五終

